

WANTOK

NIUSPEPA BILONG OL PAPUA NIUGINI STRET

52 pes

Namba 778

1-7 Jun, 1989

30 toea

Lo bilong karim ol enimal

PLANTI sik nogut bilong ol animal na ol pisin i ken kamap long Papua Niugini sapos ol pipel i no bihainim lo bilong karim ol pisin na animal i go long ol arapela ples.

Wanpela dokta bilong ol animal long Dipatmen bilong Praimer Industri Gibasa Asiba i tok olsem ol lain husat i stap long ol ples boda bilong PNG i mas

save long lo. Sapos ol i laik karim enimal i go long narapela provins ol i mas kisim tokorait pepa.

Dokta Asiba i tok olsem i gat planti sik nogut bilong ol animal i stap long Indonesia na ol animal i ken kisim dispela sik i kam long Papua Niugini.


Em i tokim ol wokman bilong ol balus kampani long sekim gut ol pasindia husat i laik karim ol animal

long wanpela provins i go long narapela.

"Ol i mas sekim gut ol aminal i kam long ol arapela kantri o ol animal i lusim Papua Niugini", em i tok.

Tupela bikpela sik nogut bilong ol enimal ol i kolim 'Newcastle Dises' na 'Rabies' i stap long Indonesia.

Na sapos ol pipel i no was gut ol dispela sik i ken kalap i kam long PNG na bagarapim ol animal na pisin.



Ona bungim Bisop Gregory

tasol em i gat tu tingting

LIDA bilong ol Panguna paitman Francis Ona i tingting planti nau long bungim ol lida bilong nesenel gavman, BCL na Provinsal Gavman o nogat.

Lida ya i no bilip tumas long dispela 15 de trus (bai i no inap gat pait i kamap) bilong nesenel gavman. Dispela 15 de i bin stat long 24 Me na bai pinis long 8 Jun.

Ona i autim dispela tingting bilong em long Bisop Gregory

Singkai long Tunde (30 Me). Bisop Gregory i bin go pas olsem mausman long traime askim Francis Ona na sapota bilong em long kam bung na toktok wantaim Nesenel Gavman na BCL.

Bisop Gregory i bin go long bus wantaim tupela arapela bikman bilong Pis na Good Bougainvil komiti, Bart Kagina wantaim edvaisa bilong em.

Em i tok dispela kibung bilong ol i stap inap 4-pela awa olgeta. Francis Ona i

autim olgeta toktok bilong em. Na askim gavman tu long skelim na mas bekim.

Francis Ona i askim tu Bisop Gregory long wanem mining tru bilong 15 de trus. Taim Ona na Bisop Gregory i bin bung planti ol arapela balus na helikopta bilong ami na plisi wok long flai nabaut.

Bisop i tok em i gat wari liklik sapos Francis Ona yet bai bungim ol bikman

HENRY MORABANG i raitim

bilong gavman o nogat. Tasol Bisop Gregory yet i laik Francis Ona i mas kamap na stretim dispela toktok. Em i no laik ol mausman bilong Francis i kamap.

Dispela ol toktok bilong 15 de trus i bin kamap long ol niuspepa. Ona i tok em i

no klia tumas. Bikos em i no lukim yet nem bilong Gavana Jenerel Sir Ignatius Kilage i mekim toktok long dispela trus.

Toktok bilong Trus i bin kamap long maus bilong tupela lida, Praim Minista Rabbie Namaliu na namba tu bilong em Akoka Doi. Mista Namaliu i mekim dispela toktok bipo long em i go raun long Australia.

Arapela ripot tu i kamap long Panguna i

tokaut olsem Francis Ona bai i no inap kamap kibung wantaim Nesenel Gavman. Bai wanpela mausman bilong Francis Ona bai kamap long bung.

Francis Ona i bin singaut tu long nesenel gavman olsem em bai i no inap toktok inap gavman:

- autim olgeta sekyuriti fos (Ami na Plisman).

- BCL i mas stapim wok taim ol toktok i go het.

Bisop Gregory i tokim Wantok olsem Pis na

Good komiti i gat strongpela bilip tru olsem Francis Ona bai bungim ol Nesenel Gavman.

Insait long ol arapela stori, Opis bilong Bisop Gregory yet long Tubiana i kisim taim. Ol raskol i bin brukim opis na kisim bikpela bokis mani.

Em i tok ol raskol i ting olsem ol sampela toktok pepa bilong Francis Ona i stap. Tasol samting tru nogat, em Pepa bilong

i go moa long pes 3



8 pes Ragbi Lig Nius

Insait

- Ol kalabus i kamap tisa - pes 3
- POSFB tromoi moa mani - pes 3
- Trabel kamap long haus kalabus - pes 2

• Lukim 12 pes
Transpot Nius insait



Moa Soka Nius na piksa



NEW BEEF CRACKERS
Igat Kick!



BISCUIT MAKERS TO PNG

Singaut long sekap long haus kalabus

IS NU Briten Provnsal Gavman bai i holim wanpela wok painimaut long ol sampela pasin nogut wok long kamap long Kerevat haus Kalabus.

Namba tu Primia Dokta Pius Kosa i tokim *Wantok* olsem wok painimaut i mas kamap hariap long lukluk long karangki pasin i kamap namel on gol kalabusman. Em i tok provnsal lo

na oda komiti i mas lukluk ken long ol ripot bilong ol na traim long painim dispela tok i tru o nogat. Sampela long ol man pastaim i stap long kalabus nau i wok long tokim ol lain

bilong ol long wanem samting i kamap namel long ol na ol narapela kalabus. Planti long ol dispela lain man i bilong Is Nu Briten. Dokta Kosa i tok em bai kisim ful ripot

long plis na ol woda long Kerevat haus kalabus long painimaut olsem dispela ol toktok i tru o nogat. *Wantok* i no inap long kisim toktok bilong CIS Komanda David Oije.



Probesen

Probesen sevis i wok gut long sampela provins long Papua Niugini Dispela pote i soim ol manmeri husat i stap insait long dispela progrem i wet ausait long Goroka haus kot.

Ol Yonggom pilim hevi bilong Ok Tedi

OL PIPIA Ok Tedi Maining Kampani i save trowei long Ok Tedi wara i bagarapim sindaun bilong 1,500 Yonggom pipel husat i stap long hap. Tasol ol i no kisim wanpela kompensesen long kampani long dispela bagarap.

Ol Faiwol lain i kisim kompensesen pinis long Kampani. Ol pipel bilong Ningerum na ol arapela ples klostu long Ok Tedi i kisim ol wok long kampani. Ol Yonggom i no kisim wanpela gutpela samting yet long kampani bikos ol i no gat wanpela man o meri husat i ken autim dispela hevi bilong ol. Long taim wok long

Ok Tedi i stat i kam inap nau, planti pis i dai long wara. Bipo ol Yonggom pipel save dringim dispela wara. Tasol nau ol i no inap bikos wara i bagarap olgeta. Bipo ol Yonggom save waswas long dispela wara tasol nau no gat. Ok Tedi maining kampani i no gat wanpela ples bilong rausim ol pipia.

Olsem na olgeta pipia bilong ol i save go long Ok Tedi wara. Ol dispela pipia i kamapim wesam long riva na ol motokanu i no inap yusim dispela wara nau. Bipo ol Yonggom pipel i save kaikaim planti kindam, pis, trausel na kiau bilong trausel. Nau ol dispela samting i no stap moa.

Taim bikpela ren i pundaun haiwara save kamap na ol pipia i save pulap long ol liklik wara i joinim wara Ok Tedi. Ol pis na ol arapela samting long dispela liklik wara save dai tu. Ol Yonggom i no gat wanpela mausman husat i ken autim ol bagarap ol i kisim nau.

Ol kalabus givim skul

KOREKTIV Ins-tusenis (CIS) i bin tokaut long wanpela projek long Tunde 29 Me. Ol i kolim long "Inmet-Autmet Inta-Eksen Progrem"

CIS komisina Pius Kerepia i kamapim dispela projek bihain long lukluk raun bilong em long Ameri-ka long las yia. Long dispela progrem ol kalabus bai i go aut long ol skul na traim long stapim ol studen long wokim ol pasin raskel. Ol bai i tokim ol studen long wanem kain samting ol i save pilim taim ol i stap long kalabus. Dispela progrem bai

oi traim long sampela komyuniti skul ol makim pinis long Mosbi. Na bihain taim wok i ran gut bai ol i ken kamap long ol narapela skul long kantri. Koreksenal Sevis i bin tokaut tu long kamapim dispela projek long ol Sios, yut grup na ol senta bilong ol skul liva. Twenti (20) kalabusman i bin tok orait pinis na nau ol i wok long kisim sampela skul long mekim dispela projek. Na projek i bin stat pinis long Boreboa Komyuniti Skul long Mosbi. Het tisa bilong skul i tok, "Taim mipela i harim dispela mipela olgeta i kraik." Em i tok planti long ol sumatin i no inap lus tingting long wanem ol i harim long ol kalabus. Sampela i tok, "Miepla i no laik long kalabus." Wanpela long ol gret siks studen Elija Angonita i tok taim em i pinisim skul bilong em bai em i go long ples. Narapela Oala i tok, "I gutpela na ol i tok-tok long mipela long wanem mi no laik go long kalabus." Het tisa, Marere i tok em i gutpela tingting long ol kalabus long toktok long ol gert 6 studen bikos planti long ol taim ol i nogat wok, ol i save wokim pasin raskel. Long makim ol kalabusman, Eric Ure Hane i tok dispela progrem i tok dispela progrem i gutpela long wanem o man ya i kalabus pinis na ol i save long wanem samting long toktok long en.



• Ol lain kalabus na ol woda husat i stap long dispela progrem.

PLUS
Ripot

MADANG: TUPELA haus bilong Wewak-Timbers kampani i bin paia. Kos bilong ol samting i lus long dispela paia inap long K300,000.

Ol man i yusim ol bombom long kukim dispela tupela haus ya. Ol dispela man i bin ranawe taim ol sekyuriti bilong kampani i kamap.

Ol plisman i no painim long husat tru i statim dispela paia.

BOGIA: WANPELA man i bin dai long wanpela birua i kamap long rot long Dugumor plantesen las wik.

Plis ripot i tok olsem man ya wantaim arapela poroman bilong em i bin go spak long Asuramba Hotel. Ol i wok long kam bek na painim dispela birua.

Dispela tisa ya bilong Kabak komyuniti skul. Tupela arapela i kisim bagarap i stap long Madang haus sik.

GOROKA: OL i wok long painim wanpela boi i bin dring wara. Dispela boi i gat 5-pela krismas na em bilong Asaro. Dispela trabel i kamap long wara Kefeyaga.

Plis ripot i tok olsem mama wantaim pikinini i laik brukim wara tasol tait i strong na pulim bebi. Em yet i swim i go long sait.

KIUNGA: WANPELA soldia i bin dring wara. Em i go long karim ol pasindia i go i kam na pundaun long wara. Wara i bin tait na karim em i go.

Dispela man bilong Finsafen long hap bilong Lae, Morobe provins.

WEWAK: WANPELA klasrum long Yangoru Hai Skul i bin paia. Kos bilong ol samting i bin lus insait long dispela paia inap long K50,000.

Ripot i kam long Wewak i tokaut olsem dispela tupela klasrum em bilong skul long Namba (Maths) na arapela em Commerce (skul bilong Bisnis).

Ol plisman nau yet wok long traim painim husat tru i bin statim ol dispela paia.

MENDI: OL plisman i bin holim na sasim wanpela man bilong Simbu long holim pistol. Em i no gat laisens long pistol. Nem bilong man ya em James Kagl Noglai. Em bilong Kerowagi long Simbu. Em i gat 25 krismas.

Nau yet em i wet kot na bai kamap long narapela mun.

Ol plisman tu i bin holim 7-pela arapela of raskol tu. Ol i bilip olsem ol dispela raskol i memba bilong dispela Kagl.

WANTOK

P.O. Box 1982, Boroko.
Telephone: 25 2500,
Teleks: NE22213, Faks 25 2579.

PE BILONG WANPELA YIA, 52 NIUSPELA

PLES	AIR
Port Moresby / PNG	K31
Australia & New Zealand	K78
Asia/Japan	K109
Amerika & Europe	K140

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

Bikpela de bilong John na Rose

INSAIT long wanpela liklik marit seremoni long Mosbi 6 Me, wanpela yangpela aipas man i bin marit. Yangpela man ya John Patrick i bin maritim Rose Airi long St Martin Engliken sios long Boroko. Meri bilong em Rose em i no aipas.

Mi bin toktok wantaim John las wik na em i tokim mi olsem em i amamas tru na ino inap long bilip yet

EILEEN TUGUM i raitim

olsem i marit nau.

John i gat 26 kris-mas. Na em i hapkas Oro na Sentral. Na meri bilong em Rose i gat 18 krismas na em i hapkas Kerema na Sentral.

Em i tok tupela Rose i bin bung long Novemba las yia long wok bilong tupela wantaim St John's Asosiesen for the Blind. Rose em i wanpela opisa bilong St John.

Rose i tok olsem pastaim em i pret na i save tingting tumas bikos John i aipas. Tasol bihain em i lukim John i mekim ol samting olsem ol arapela manmeri husat i gat gutpela ai. Em i tok em i gat bipela laik tru long John na i amamas tupela i marit nau.

John i no bin aipas long taim mama i karim em, nogat. Em i bin kisim strongpela sik malaria na ai bilong em i pas long taim em i stap long haikul. Em i tok em i

bin pret tru long taim em i opim ai na ples i tudak. Em i krai na askim na bihainim ol i tokim em olsem ai bilong em i bagarap.

Long Janueri 1986 John i bin go long spesel skul long Australia na em i kisim save long taip, lukautim swisbot na lukautim em yet. Long taim em i kam bek long PNG em i painim wok wantaim Barlow Indastris kampani. Na nau em i save lukautim swisbot bilong Barlow.

Rose wantaim John



• Rose na John i katim kek long taim tupela i marit

Patrick i stap amamas tasol tupela wantaim i tok marit laip em i no isi. Bai i gat ol hevi i

kamap long laip tasol kamap gut. Rose i gat tupela i tok bai ol i bel nau na ol i wet strong na mekim tasol long bebi i marit bilong ol i kamap.

POSB spendim moa mani long bisnis

PABLIK Opisas Supranuesen Bot (POSB) i spenim bikpela mani long Papua Niugini na Ovasis long ol samting i ken kisim moa mani i kam bek long bot.

Ol i bin baim 300,000 sea long wanpela wel kampani bilong Papua Niugini ol i kolim Parcarc Niugini NL. Ol i givim tok orait pinis long yusim K50 milion long kamapim wanpela bikpela supamaketa na opis long Waigani na long yusim K10 milien long kamapim ol haus bilong ol pablik sevan long 9 mail klostu long Mosbi. Ol i tok tu long yusim sampela mani bilong bot long kamapim wanpela opis na supamaketa long Hagen.

Ol lain bilong Bot i no autim wanpela toksave long ol pablik long ol dispela wok bilong ol. Moa long 35,000 pablik sevan i save putim mani bilong ol long wanpela fan em Bot i lukautim. Ol i save rausim dispela mani long pe bilong ol pablik sevan long wan wan foitnait.

Wanpela kampani bilong Australia ol i kolim Kenyan Goodwin and Partners husat i gat opis bilong ol long Kenbera, Australia bai kirapim dispela opis na supamaketa long Waigani.

Wanpela mausman bilong POSB i tokim Wantok olsem wanpela wantok bilong depiti Dairekta bilong Bot, John Carrol i bosim Kenyan Goodwin and

Partners. Em i tok olsem Arthur Kenyan em i wantok bilong Mista Carrol.

Tasol Mista Carrol i bin tokim Wantok olsem Mista Kenyan em i no wanpela wantok bilong em.

Mista Carrol i stap long Australia na i save kam long Mosbi long ol bung bilong Bot tasol. Mista Carrol em i mausman bilong bot long invesmen na em i asosiet Dairekta bilong Noble Loans Supranuesen Konsalten.

Westen Hailans primia Mista Philip Kapal i tokim Wantok olsem em i toktok wantaim Manesing Dairekta bilong POSB David Nelson long stretim ol tok-

tok long wok, bot i laik mekim long Hagen.

"Tasol ol toktok i no pinis yet na mi no inap tokaut long wanem samting bai kamap", Mista Kapal i tok.

POSB i oraitim wanpela kampani bilong Malaysia, YTL Kopresen Berhad long kirapim 500 haus bilong ol pablik sevan long 9 mail. Ol i stretim ol toktok pinis na wok bai stat nau.

Long dispela taim tu Gavman Gaset i tokaut olsem tripela yia gavman i givim long Mista Nelson long wok olsem Manesing Dairekta bilong bot i bin pinis long mun Epril. Mista Nelson i wok olsem Ektim Manesing Dairekta nau.

Soldia tok ol i bihainim "oda"

Wok painimaut bilong trabel long mun Februeri

"MIPELA bin bihainim oda bilong wanpela bikman bilong mipela". Dispela em i toktok

bilong wanpela soldia ol i bin pinisim long ami bihain long wanpela mas we ol soldia i bin

bagarapim Palamen long mun Februeri.

John Kamba i bin mekim dispela toktok long wanpela bikpela

wok painimaut i kamap long painim as bilong ol trabel i bin kamap taim ol soldia i bin mekim dispela pasin.

"Mipela i lukim ol ripot i kamap long ol niuspepa olsem pe bilong ol soldia bai go antap. Olsem na mipela i go askim ol bikman bilong mipela long pe bilong husat tru bai go antap", Kamba i tok.

Ol i mas i go long opis bilong ol na wanpela kenel i bin tokim ol olsem ol wan wan opisa bilong ol soldia bai tokaut long husat bai kisim moa pe.

"Bihain dispela kenel i tokim mipela, sapos yupela i no save na yupela laik harim gut orait go long Palamen na painimaut".

Kamba i tok olsem taim ol soldia i harim dispela kenel i tok "go", ol i kisim dispela toktok olsem wanpela oda na ol i mas i go long Palamen.

Ona bungim Bisop

i kam long pes 1

graun bilong Katolik Sios tasol i stap. Na tu husat laki bai kisim K14 tasol.

Bisop bilong Bougainvil i sutim tok i go long sekyuriti fos long nais bilong ol gan i kamap long bus bilong Panguna. Dispela 15 de trus i kamap pinis tasol pait i wok long go het. Dispela kain tasol ol i ken pretim tru Francis Ona. Tupela plisman i bin kisim bagarap.

Praim Minista Rabbie Namaliu i kisim pinis toktok bilong Bisop Gregory Singkai na i oraitim Francis Ona long bungim ol lida bilong Nesenel Gavman.

Rabbie Namaliu i tokaut pinis olsem taim Francis Ona i kamaut long stretim

toktok, ol plisman na ami bai i no inap holim o paitim em.

Tasol Mista Namaliu i no sapatim tumas tingting bilong Ona long autim ol sekyuriti fos long Bougainvil.

Sekreteri bilong BCL, Bob Corenlius tu i sapatim tingting bilong Praim Minista. Em i laik lukim olsem olgeta toktok i stret orait, gavman i ken autim ol sekyuriti fos.

Liklik kandre bilong Severinus Ampuai i kisim bagarap long hantaim ol Panguna paitman i sutim em. Ol i laik sutim pikinini bilong Severinus, Dominic tasol i abrus na kisim kandre bilong em George Muina.



• Ol lain i pinis long ami na wetim pinis yet pe bilong ol.



WANTOK

Skulim gut ol pikinini

Komisina bilong Korektiv, Paias Kerepia i traim wanpela nupela program bilong mekim ol pipel i luksave olsem kalabus i save kamapim planti hevi long laip bilong ol. Ol i wok long triam dispela pogrem nau long ol skul. Ol kalabus yet i go aut long komyniti skul na tokim ol pikinini long laip bilong ol long kalabus. As bilong dispela program em long mekim ol pikinini luksave olsem kalabus bai no inap long helpim ol. Ol i harim stori bai ol i pret long brukim lo na go kalabus.

Dispela i wanpela gutpela rot bilong mekim ol pikinini luksave na long taim ol i bikpela o i lusim skul ol bai tingim na stap gut.

Ol pikinini long ol taun tude i gat planti ol kain kain samting i save pulim ol i go longwe long haus. Ol i painim ol poroman na ol i go lukim piksa, o go pilai spes gem, o i go raun long stua o go lukim ol pilai. I no hatwok bikos i gat ol bas na PMV i save ran na ol i ken kalap na go raun long laik bilong ol.

Long taim ol i raun olsem kain kain trabel i ken kamap. Ol bai harim gris bilong ol poroman bilong ol na mekim trabel. Sapos papamama i no sekap oltaim long lukim pikinini i stap gut o nogat, bai kain hevi olsem i kamap.

Olsem na igutpela long ol tisa i givim skul long mekim ol i luksave long hevi. Tasol papamama tu i mas mekim wok bilong ol. Lukim olsem pikinini bilong yu istap gut na i raun gut we em i no inap long bungim kain hevi olsem.

K360,000 go long 24 memba bilong Madang

MADANG Provinsal Gavman i makim K360,00 long konstitusens fan bilong ol 24 memba bilong em. Dispela em K9,000 moa long ol i save kisim long olgeta yia.

Ol wan wan provinsal memba bai kisim K15,000 insait long dispela fan. Bipo ol i save kisim K4,000 tasol nau namba

bilong dispela mani i go antap.

Ripot i kam long Madang i tokaut olsem ol provinsal memba yet i bin makim dispela mani. Wanpela bikpela astoktok i kamap em bilong taim bilong ileksen i kamap klostu nau na ol i laik givim mani long konstitusens bilong ol.

Madang Provinsal Gavman ileksen bai kamap long Oktoba na Novemba long pinis bilong dispela yia. Olsem na olgeta memba i laik kisim mani bilong ol.

Ol memba bai yusim K13,000 long ol projek na yut grup insait long wan wan konstitusens bilong ol. Na narapela K2,000 em ol

memba bai yusim long trenspot bilong ol long taim ol i raun insait long ilektoret bilong ol.

Ol pipel bai aplai long kisim mani insait long konstitusens fan bilong memba bilong ol. Em i olsem ol pipel long Manam Ailan i mas aplai long kisim mani long konstitusens fan bilong Memba

Tibong Kanong. Ripot ya i tok i gat spesel fom bilong kisim mani. Ol pipel i laikim dispela mani i mas kamap long Provinsal Gavman na kisim dispela fom.

Wantok i painin aut olsem ol opisa bilong BMS Madang nau i wok long stretim ol dispela mani. Olgeta taim ol provinsal memba i save sekim mani bilong ol.

Pos Opis i blakaut

OL i katim pawa bilong Kiunga Pos Opis na Telepon long Fraide 26 Me. Bikos ol i gat dinau inap long K9,000.

Not Flai Eria kodineta, Dominic Tari i bin tokim eria fainans opis long Kiunga long katim pawa saplai bilong pos opis bikos PTC i no bin baim pawa bil inap tupela yia olgeta.

Mista Tari i tok olsem em i bin salim ol toksave i go long pos opis. Tasol opis bilong PTC i tokim em olsem ol i no kisim ol dispela toksave pepa bilong dinau bilong ol.

Mista Tari i tok ol i givim toksave long posmasta long Kiunga bikos pawa saplai i go long dispela pos opis. Em i tok olsem ol i givim 24 aua long PTC long baim dispela

dinau na long taim no gat wanpela samting i kamap, em i katim pawa saplai.

Em i tok dispela samting i stap nau long han bilong Fainans Dipatmen long Mosbi long stretim.

Long Kiunga, Ok Tedi Maining i save saplaim pawa i go long ol haus long taun. Na long wan wan mun Not Flai Eria Fainans opis i save kisim mani long ol pipel husat i yusim pawa saplai. Orait ol i baim Ok Tedi long mekim wok bilong saplaim pawa.

Olgeta mun, eria fainans opisa i save raun na ritim mita bilong ol haus na em i save givim notis pepa bilong hamas mani ol i mas baim. Na em i save katim saplai bilong husat ol lain i no baim pawa bil bilong ol.

Yabob na Bilbil kros long Ariako

OL PIPEL bilong Yabob na Bilbil bai putim kamap wanpela straik long Madang Gavman.

Dispela straik em bilong soim olsem ol i no amamas long Primia Ariako i autim Nalong Derr.

Nalon Derr em i olpela seketeri bilong Dipatmen bilong Madang tasol nau Balthzar Maketu i



• Ariako

kisim ples bilong em. Mista Maketu em i olpela seketeri bilong Nesenel Dipatmen bilong Difens Fos long Mosbi.

Primia Ariako i tok em i autim Nalon Derr bikos Derr i no wok gut wantaim gavman bilong em na ol arapela bikman bilong Dipatmen bilong Madang.

Wantok i no inap kisim toktok bilong Primia Ariako long dispela stori bikos em tu i raun nau logn konstitusens bilong me.



• Stop long hia. Tambu long karim ol bia na ol arapela strongpela dring na abrusim dispela mak. Dispela toksave i stap long rot i go long Porgera Gol Main.



Ol MA bung long WNB

MELANESIAN Alians Pati (MA) i redi nau long namba wan kibung bilong ol long Wes Nu Briten.

Dispela kibung bai i stat long Fraide 2 Jun na bai i pinis long Sande 4 Jun long ples Galilo. Galilo em i ples bilong Nesenel Minista bilong Minerels na Eneji

Patterson Lowa. Galilo i stap samting olsem 15 kilomita longwe long Hoskin distrik stesin. Em tasol i bikpela ples long Wes Nakanai konstitusens na i gat moa long wan tausen (1000) pipel.


Bai i gat tu hundred fivti (250) bikman i kamap long dispela kibung. Namel long ol bikman em 8-pela Nesenel Minista na 10-pela arapela nesenel memba.

Ol narapela ol eksekutiv na ol memba bilong ol han bilong Melanesian Alians pati long olgeta hap bilong kantri tu bai kamap.

Em i namba wan taim tru Melanesian Alians Pati i go kibung long Wes Nu Briten provins.

Long ol mun i go pinis pati i bin wok hat tru long painim mani long kamapim dispela konvensen.

Ol sampela samting bai i kamap long dispela konvensen em long toktok long ol polisi bilong pati, senisim ol sampela polisi, stretim na senisim konstitusens na ol narapela toktok long wok bilong pati long nesenel na provinsal gavman wantaim.



• Lowa

Projek bilong gutpela wara saplai

I GAT wanpela meri husat i mekim wok bilong praimer helte kea wantaim Is Nu Briten Kaunsil ov Wimen. Dispela meri ya em Sista Konnie Meava. Divisen bilong Helt i salim em i go wok wantaim Is Nu Briten Kaunsil ov

Wimen.

Wanpela bikpela wok bilong Sista Konnie long dispela yia em long lukim olsem i gat ol teng wara long ol 4-pela ples long Is Nu Briten we wara i save sot oltaim. Ol dispela ples em Matalau, Talwat, Melkoi na etpos long Tapa.

Em i tok planti ol

ples i stap long nam-bis long bus bilong Gasel Peninsula i save sot long gutpela wara bilong dring. Long taim bilong ren i gat wara tasol ol meri i mas wokabaut i go longwe long kisim wara. Na long taim bilong san ol wara ya i save drai na ol pipel i save baim wara o

baim transpot bilong karim wara long ol bikpela riva i kam long ples bilong ol.

Sista Konnie i tok dispela wara saplai projek bai helpim ol pipel bilong ples. Em inap long stapim sik long ol dispela ples. Na ol meri bai i no inap hatwok tumas long go painim wara.



• Sista Konnie Meava

mas sekap na lukim olsem ol pipel i katim gras arere long haus bilong ol, i gat hul bilong tromoi ol pipia, i gat gutpela toilet na ol haus na haus kuk bilong wan wan haus i mas klin.

Ol i save tokim ol pipel long planim ol flawa raun long haus long mekim ples bilong ol i luk nais.

Long sampela ples, ol sampela bilong ol dispela lain husat i bin pinisim kos bilong praimer helte kea, i wok long mekim wok bilong givim malaria marasin na pasim sua o givim ol arapela marasin i stap long viles fes et bokis. Divisen bilong Helt i save givim dispela bokis marasin i go long ol ples

Madang maket i senis nau

OL MAMA i save salim ol samting long Madang taun maket nau i hama-mas bihain long Minista bilong Provinsal Afeas, Tibong Karong i opim nupela maket long Sarere, 20 Me.

Wanpela kampani ol i kolim UNDA i bin sanapim dispela haus maket long samting olsem K100,000.

Siaman bilong Madang Taun Interim Komisin Ermot Bai i tok, "Mi tingting planti long ol mama bilong yumi olsem na mi opim dispela maket. Ol i save sindaun ausait na i luk sem liklik. Ol i mas sindaun gut na salim ol kaikai bilong ol."

Mista Bai i mekim strongpela askim tru i go long ol mama husat i save salim ol kaikai na ol arapela pipel long lukautim gut dispela nupela haus maket.

Tasol wok bilong maket i no pinis yet. Komisin i tingting long wokim tripela moa haus.

Ol narapela haus em

long tupela plo haus we bai i gat opis bilong lukautim maket na opis bilong ol sekyuriti bilong maket. I gat tingting tu long sanapim ol toilet, wanpela haus bilong ol bikpela bung na tupela moa maket haus.

Interim Komisin bai i lusim samting olsem K200,000 olgeta taim olgeta wok bilong dispela maket i pinis.

Mista Bai i tokaut olsem, planti bisnisman klostu long maket i sutim tok long Interim Komisin

olsem em i no bin stretim ol rot i bin bagarap klostu long maket.

"Ol dispela mani bilong stretim ol rot i bagarap i no stap wantaim Komisin. Dispela mani i stap pinis long han bilong ol man bilong lukau-

tim rot. Na ol bai skelim mani i go long Komisin long wokim dispela wok," Mista Bai i tok.

Mista Bai i askim ol dispela bisnisman long askim bikpela gavman long Mosbi long slalim mani bilong dispela wok i kam long Komisin.

Primia bilong Madang, Andrew Ariako i amamas long lukim dispela nupela haus long maket. Em i tok olsem olgeta kain wok i mas gat mani. Olsem na ol manmeri i mas wet longpela taim long lukim kaikai bilong ol dispela kain samting.

Ol sampela bikman i kamap long dispela de em long Mista Malipu Balakau (Minista bilong Komunike-sen), Ned Laina (Primia bilong Enga), Sir Bato Bultin, Angai Bilas, Sop Babur na Bisop Benedict ToVarpin.

Samting olsem 1000 manmeri i kamap long dispela de wantaim wanpela het bilong singsing tumbuna bilong ples Yabob.



• Olpela Madang maket.

Narapela wok em Is Nu Briten Kaunsil ov Wimen i wok long kamapim long ples em ol kos bilong praimer helte kea. Sista Konnie i save wok wantaim ol praimer helte kea komiti bilong ol ples.

Ol dispela komiti i kisim skul long mekim wok bilong sekap long ol ples. Ol i

Anis i hat long wok edukesen

PRIMIA na Minista bilong Edukesen long Nu Ailan provins Pedi Anis i askim olgeta komyuniti skul long wok gut na kamapim gutpela wok bilong edukesen long provins.

"Long ripot bilong ol inspekta mi bin lukim olsem planti papa na mama i no wok gut wantaim ol tisa long ol komyuniti skul," Mista Anis i tok.

Em i tok planti komyuniti skul i no klin na ol bot ov menesmen long skul i no wokim gut wok bilong ol. Em i tok ol bot ov menesmen i no lukautim gut rekot bilong ol skul.

"Sapos mi kisim ol dispela kain ripot yet bihain long pinis bilong dispela yia bai mi tingting long tokim

Provinsal Edukesen Bot (PEA) long tokim ol inspekta long klosim ol skul.

"Mi laik askim tu ol papamama na ol tisa bilong ol dispela komyuniti i gat ol gret 6 long en imas wok strong long dispela 4-pela mun i stap bihain long gret 6 eksem," Mista Anis i tok.

Em i tok provins i bin kamapim gutpela mak long las yia tasol em i laikim gutpela moa mak long dispela yia.

"Mi laik askim ol papamama bilong ol studen i save go skul long ol 4-pela hauskul bilong yumi long stat redim skul fi nau. Sapos yupela i larim dispela i go leit, bai ol pikinini bilong yupela bai i no gat sans long go long skul," Mista Anis i tok.

Sandaun gavman toktok long timba pemit

SPESEL kibung bilong Sandaun Provinsal kabinet (PEC) i no stretim toktok yet long seketeri bilong Dipatment bilong Wes Sepik, Richard Koronai.

Dispela miting i kamap long Fonde 25 Me. Ol i paitim toktok long lukim sapos ol bai holim yet Mista Koronai o no gat.

Insait long dispela miting tu, lain memba i bin bruk tupela hap.

Ripot i kam long Vanimo i tokaut olsem sampela memba bilong PEC i no laikim Mista Koronai i stap seketeri. Na sampela memba i sapotim em.

Olpela gavman bilong Wingti/Chan i bin makim Mista Koronai i kamap seketeri bihain long San-

daun Provinsal Gavman i kisim bek pawa bilong em.

Dispela ripot i tok planti ol gavman memba na tu Oposisen i no amamas tumas long wok bilong Mista Koronai. Ol i tok em i no save mekim gut wok bilong seketeri.

Insait long miting, Provinsal Eksekutiv Kaunsil tu i amamas long larim ol distrik

insait long provins i kisim LFA (Lokal Fores Eria) timba laisens.

Primia bilong Wes Sepik Egbert Yalu i tokaut olsem PEC yet i wanbel long larim LFA laisens kampani i gohet long katim timba. Em i laik olgeta 6-pela distrik i mas i gat LFA laisens long mekim ol wok bilong ol.

Mista Yalu na i stapim olgeta kampani bilong timba i gat TRP (Timba Rait Oet-ses) laisens long katim timba long provins. PEC i mekim dispela disisen long helpim diwai long kamap gut insait long provins.

Em i tok LFA bai helpim tru ol liklik projek na tu bringim mani kam insait long provins.

Bikpela kakau projek kamap long Aitape

OL PIPEL bilong Sandaun i mas tingting long givim graun bilong ol i go long gavman o ol yet i mas kirap na mekim ol wok long graun bilong ol.

Chawech Assin bilong Aitape i mekim dispela toktok long taim ol i sainim wanpela tok orait bilong ANGCO kampani i

FELIX RAMRAM i raitim

kirapim K1.2 milien kakau projek long Aitape distrik.

Memba bilong Aitap Lumi long Nesenel Palamen, Gabriel Ramoi i bin sainim dispela tok orait long nem bilong ol pipel. Minista bilong Fainans, Paul Pora,

na Siaman bilong Egrikalsa Beng, Fred Reiher i bin kamap tu long witness long dispela bikpela de. Samting olsem 700 pipel i bin kamap long dispela bikpela bung.

Primia bilong Wes Sepik na sampela minista bilong em i no

inap long kamap long dispela bikpela bung.

Mista Assin i tokim Wantok Nius olsem em i amamas long lukim Aitape, Nuku na Lumi i go pas long ol kain wok bisnis olsem kopi, kakau, PMV bisnis na ol arapela egrikalsa bisnis insait long Wes Sepik provins.

Em i mekim tok amamas long ol pipel

bilong Telefomin Distrik bikos ol i gohet long sanapim stua bisnis bilong ol. Em i tok ol kain man olsem Diplin Sol husat i gat stua bilong em long ples na long Wewak na Vanimo tu i mas kisim luksave long provinsal na nesenel gavman. Bikos em i mekim bikpela wok long helpim provins bilong em.

CALLING ALL BANDS

Mipela salim samting bilong Musik...

Emplifaia Spika Miksa Dram Kibod

Maut Ogen let bilong Gita Skin bilong Dram Ol Songbuk na Kodbuk Mekim pairap bilong gita nating olsem pawa gita wantaim pick-up bilong gita. K33.50 tasol.



Rook's Radio, P.O. Box 191, Lae. P.N.G. Telefon: 424616

Ami bilong Australia i strong moa

OLPELA ambasada bilong Indonesia long Amerika, Lutenen Jenerel Hasnan Habib i tokaut pinis olsem planti kantri i wari nau bikos Australia i mekim bikpela wok long mekim ami bilong em i kamap strong moa.

Em i bin mekim ol dispela toktok long wanpela bung i bin kamap long Nesenel Yunivesiti bilong Australia long Canberra.

Em i tok olsem Australia i kamapim wanpela bikpela tingting long strongim difens bilong em na i kamapim wanpela strongpela ami long Asia na Pasifik rijon.

Australia i gat gutpela as long kamapim ol dispela samting, tasol ol arapela kantri long dispela rijon i ken kamapim narapela tingting", Jenerel Habib i tok.

Em i tok olsem dispela bai egensim tingting bilong ol kantri i stap long ASEAN long kamapim belisi na gutpela sindaun insait long rijon.

Jenerel Habib i tok olsem Australia i pret long ol arapela kantri

long Asia, tasol planti taim ol i autim tingting olsem ol i laik stap olsem wanpela kantri long Asia Pasifik rijon.

Australia em i wanpela kantri bilong ol waitman na em i gat ol rekot bilong mekim save long ol blaskin lain. Jenerel Habib i tok.

Jenerel Habib i tok

olsem Australia i pret yet long ol Indonesia na tupela kantri i no save wanbel long planti samting.

Em i tok olsem Indonesia i no lukim Australia olsem wanpela birua na ol i no gat belkros long ol lain Australia.

Tasol ol bikman bilong Foren Afeas long Australia husat i

bin harim ol dispela toktok i tok olsem toktok bilong Jenerel Habibi no tru.

Ol i tok olsem gavman bilong Australia i bin toksave pinis long ol arapela gavman insait long rijon long wok gavman i mekim long ami bilong Australia tasol planti bilong ol dispela gavman i no luksave.



MOSKO-Rasia: Wanpis ya i wok long protes long Red Skwea long taim nupela Palamen bilong Rasia i kibung i stap. Piksa long hap pepa em i karim i bilong rebel komunis opisa Boris Yeltein.

Kot rausim Sir George Lepping long wok Gavana Jenerel bilong Solomon Ailans

BIKPELA kot bilong Solomon Ailans i tokaut pinis olsem Gavana Jenerel bilong Solomon Ailan, Sir George Lepping i no gat rait long mekim wok Gavana Jenerel.

Siev Jastis, Sir Andrew Ward i tokaut long dispela bihain long wanpela kot long Honiara.

Wanpela memba bilong palemen Andrew Nori i bin kotim Sir George na tok olsem ol i no bin mekim rait pasin taim ol i bin makim Sir George olsem Gavana Jenerel, bikos em i no risain long pablik sevis.

Sir George i bin stap yet olsem wanpela pablik sevan taim ol i makim em olsem Gavana Jenerel las yia.

Na Jastis Andrew i tok olsem dispela i egensim lo bikos em i no bin risain long pablik sevis.

Mista Nori i bin askim kot tu long rausim Praim Minista Solomon Mamaloni na ol lain


minista bilong em bikos taim Sir George i bin makim ol olsem ol mininta, Sir George i no gat pawa long mekim dispela wok.

Tasol Jastis Andrew i tok olsem em i no inap rausim Mista Mamaloni na ol lain bilong em long gavman bikos taim Sir George i makim ol em i mekim wok bilong opis bilong Gavana Jenerel.

Em i tokim Sir George long wet inap long taim em i risain long pablik sevis na bihain Kwin i ken makim em gen olsem Gavana Jenerel.

Kot i tokim Sir George long noken mekim wok bilong gavana jenerel inap long taim em i pinis long pablik sevis na kisim tokorait long kwin.

Mista Nori husat i lida bilong National Front bilong Progress pati i bin amamas long ol dispela toktok bilong kot



KASABLANKA-Moroko: Ol bikman bilong ol Arab kantri i bin bung long wanpela spesel kibung bilong ol. (l-r) Muammar Gaddafi bilong Libia, Yasser Arafat lida bilong Palestain Liberesen Ogenisen, Hafez al-Assad, Presiden bilong Siria na Presiden bilong Aljeria, Chadli ben Jdid.



BEIJING-Saina: Ol lain studen i protes na pulap yet long Tiananmen Skwea. Tasol nau ol studen lida i wok long tokim ol long lusim dispela pels.



LAMPANG-Tailan: Dispela poto i soim wanpela tren i kapsait na slip i stap. Ripot i tok olsem 7-pela pipel i dai na 200 arapela i kisim bagarap long taim dispela birua i bin kamap.



BEIJING-Saina: Ol lain studen husat i wok long protes long Saina i printim niuspepa bilong ol yet. Gavman i putim strongpela lo long stapim ol bikhet pasin kamap Tasol ol studen i wok long hait na printim niuspepa na givim long ol pipel.

Ol Arab laikim belisi

OL lida bilong ol Arab kantri i tokaut pinis olsem ol i laik pasim ol belkros na pait i kamap nau long Midil Is. Mausman bilong ol, King Hassan, bilong Moroko i tok olsem namba wan samting ol i laik lukim em ol Palestain i kamapim wanpela

kantri klostu long Israel. Ol i laik bung wan taim Israel na kamapim ol toktok bilong kamapim belisi long Midil Is. King Hassan i tok tu olsem lain bilong em bai kisim dispela tingting bilong ol i go long Sekyuriti Kaun-

sil bilong Yunaitet Nesens tu. Ol bikman Arab i oraitim Ijip i kam bek long grup bilong ol long dispela bung tu. Ol Arab i bin rausim Ijip long grup bilong ol long 1979 bihain presiden bilong ol, Anwar Sadat i bin kamapim belisi wan-


taim Israel. Tasol wanpela bikpela hevi ol i no autim long dispela bung em pait i kamap nau long Lebanon. Lebanon em i wanpela kantri bilong ol Arab na pait i kamap namel long ol Kristen na ol Moslem lain long hap.

Narapela strongpela Arab kantri, Siria i sapotim ol Moslem long Lebanon na pait egensim ol Kristen. Siria i gat moa long 400,000 soldia long Lebanon.

I luk olsem dispela pait i no inap pinis hariap bikos Siria i no laik rausim ol soldia bilong ol na ol Kristen soldia i tok olsem ol i no inap larim ol lain bilong Siria i stap long.



KABUL - Afganistan: Dispela pote i soim bikpela lain masin bilong pait ol i kolim Tank. Rasia i bin givim ol dispela masin long ami bilong Afganistan.



NU YOK-Amerika: I bin gat wanpela bikpela konset i kamap long Nu Yok we ol singa i kamap na singsing. Ol i kolim dispela konset "Don't Bungle the Jungle". As bilong kamapim dispela konset em long bungim mani bilong bikpela kempen long stapim ol pipel i bagarapim ol bikbus long wol. Madona (raithan) na Sandra Bernhard i bin stap tu long dispela konset.



PANAMA SITI - Panama: Oposisen kandidate bilong Panama Guillermo Ford (lephan) Guillermo Endara (namel) na Arias Calderon (raithan) i go pas long moa long 400 pipel husai i moa long strit bilong Panama siti. Ol i no war: long tambu em gaoman i putim long stapim ol pipe! i bung na mas o mekim ol protes.



MOSKO-Rasia: Dispela pote i soim namba wan bung bilong Palamen bilong Rasia. Dispela bung i kamap long 25 Me na ol man i makim ol provins insait long Rasia i bin kamap na toktok.

BANK OF PAPUA NEW GUINEA



Gavana bilong Beng ov Papua Niugini, Sir Henry ToRobert i laik tok save long nupela K50 mani. Em i tok olsem, long Jun 5, 1989 bai beng i stat long tilim dispela nupela K50 mani. Na stat long dispela de ol pipel i ken yusim long baim ol samting.

Dispela nupela mani i gat kain kain kala. Long ol piksa i gat gren na yelo na ret kala kala. Long baksait long ol piksa i gat kala orenj

WANEM SAMTING I STAP LONG DISPELA NUPELA MANI:

Long fransait i gat piksa bilong Nesenel Palimen na tu i gat piksa bilong Nesenel Kres antap long lephan kona.

Namba tru bilong dispela mani na nem bilong Gavana bilong Benk ov Papua Niugini na Sekreteri bilong Finans i stap tu long dispela hapsait.


Long baksait i gat piksa bilong Mista Somare. Na tu i gat kain kain piksa bilong ol bilas bilong ol provins. I gat piksa bilong ol bilas na kaving bilong ol Bainings (Is Nu Briten Provins) ol Orokolo (Galp Provins) ol Huli (Saten Hailans Provins) ol Tubuan (Is Nu Briten Provins). I gat kaving bilong ol Wes Sepik na Malagan (Nu Ailan Provins) Na tu i gat ol spia bilong Kakar na piksa bilong tapa bilong Oro Sentral na Morobe (Siassi Provins).

The new K50 note Look for these features

FRONT

See-through front to back shape (when held up to light), register to form a cross

Slightly raised printing of Parliament House, with microprinting of words '50 Kina' beneath the building on the left side



Slightly raised printing '50', National Crest, legal tender clause, and words 'Bank of Papua New Guinea'

Watermark of BPNG logo

Offset printing (flat printing) used for multi-coloured background line patterns.

Latent image of '50' which appears when viewed from an angle close to horizontal


Signature and serial numbers printed in red

BACK

Slightly raised printing of Michael Somare portrait

Slightly raised printing of '50' and kakar spears

Slightly raised microprinting of 'Papua New Guinea'



Slightly raised printing of head-dresses from several provinces

Metallic thread incorporating microprinting of words 'Papua New Guinea' (visible under magnification)

Actual size: 150mm x 75mm

Waswas na go wok

Dia Edita,
Mi no save amamas long lukim ol kipa bilong ol takasop nia long Mosbi i no save waswas na ol i kam wok long stua. Ol i no save tenisim ol siot trausis bilong ol. Ol i save putim ol wankain dres tasol na kam long wok.

Han bilong ol tu i save doti tru na ol i save holim ol kaikai na sevim ol kastama. Wampela samting tu ol i save smok na

kaikai buai long taim ol i wok. Mi no ting dispela i wampela klinpela pasin ol i mekim.

Sampela bilong ol dispela takasop i no gat toilet bilong ol yet olsem na ol man i save pispis nabaut long baksait bilong takasop. Sampela bilong ol dispela stua i gat snuka tebol bilong ol. Na long taim ol man i kam pilai snuka ol i save dring bia na pispis nating arere

long stua.
Ol i save slip olsem ol pik na moning ol i kirap i no waswas na go insait long stua na sevim ol kastama i go inap long apinun.

Olsem na mi laik bai dipatmen bilong Helt i mas lukiuk long dispela samting na tokim ol long dresap gut na komim gras gut na wok insait long stua.

Em tasol liklik wari bilong mi.
Joe S. Orua, BOROKO, NCD.

Apim pe bilong botol

Dia Edita,
Mi wampela grasrut inan na mi save tuhat tru long bungim ol emti botol bia. Sapos mipela ol grasrut i no bungim ol emti botol ating ol faktori bilong wokim bia bai i sot long ol botol.

Olsem na dispela askim bilong mi i go long ol kampani

bilong wokim bia. Mi laik bai yupela i apim pe bilong ol emti botol. Em tasol askim bilong mi.

Yu husat grasrut inan i laik sapotim dispela pas bilong mi bai mi amamas tasol long lukim.

John Kera, Kimbe, W.N.B.P.

Wok i asua liklik

Dia Edita,
Mi wampela grasrut manki na wari bilong mi em long dispela ol spesel wok bilong ol plisman ol i save kolim ol "operesen".

Insait long Wau i bin gat sampela piis operesen i kamap. Em i tru olsem ol i mekim wok bilong ol. Tasol mi no ting planti pasin ol plisman i mekim long dispela kain wok i bihainim lo bilong kantri. Ol i save kisim man nating. Na mi no ting dispela i wampela gutpela rot bilong stretim hevi bilong lo na oda.

Sampela man husat i bin pinis kalabus na i kam stap long hia i bin kisim taim gen long taim ol plisman i mekim dispela spesel opere-sen bilong ol. Ol i kirap kisim nating ol dispela tarangu lain i go. Sapos ol dispela man i pinis long kalabus nau bai ol i belhat na mekim nabaut long ol arapela manmeri.

Bel bilong ol bai hat tru long ol pisman na long bihaintaim bai ol i no laik wok bung wantaim ol plisman. Yupela yet i mekim nabaut na ol pipel i no bilip long yupela.

Pomeai Campi, Wau, Morobe provins.

Sapota bilong Rainsau

Dia Edita,
Dispela pas bilong mi i go long oigeta soka klap. Yes mi laik sapotim toktok bilong Kikbek wantaim Rainsau i bin kamap long Wantok Namba 752.

Long 1988 dispela nupela soka sistem bilong Mosbi i bin nautim mipela planti ol soka pilai na sapota. Planti ol pilai na sapota i no amamas bikos long taim tim bilong ol i pilai ol i save olsem em i no tim bilong ol stret.

Olsem na planti bilong ol i save les long go sapotim ol dispela pas. Mekim olsem na i no gat

planti man i kamap long lukim ol klap i pilai.

Planti bilong mipela i laik dispela oipeia sistem i kam bek gen long 1989 na mipela i amamas long lukim dispela samting i kamap gen. Olsem na planti ol tim i kamap gen.

Mi laik tok amamas long ol toktok bilong Kikbek wantaim Rainsau. Dispela kain toktok i mas sut stret long yau bilong ol bik-man bilong PMSA na ol i senisim wok.

Peter Siko, Westpac Soka Klap Mosbi

Resis bilong Mis PNG


Dia Edita,
Mi gat wampela askim i go olsem. Bilong wanem tru na yupela i laik selektim ol hapkas meri tasol long kamap Miss PNG? PNG i no kantri bilong ol hapkas meri.

Mi mekim dispela askim bikos mi lukim sampela em ol i pikinini bilong waitman. Na sampela em ol pikinini bilong ol saina.

Plis mi no save amamas tumas long dispela kain pasin. Taim bilong jasim ol Mis PNG, yupela i save givim win i go long ol hapkas meri tasol ol aspies meri nogat.

Mi save sori bikos ol aspies meri i save hatwok tana long kamapim mani bilong Ret Kros. Mi lukim dispela kam pasin na mi ting olsem ol aspies em ol kago boi bilong ol hapkas manmeri.

Yupela ol jas i no ken kolim Mis PNG.



Yupela mas kolim Mis Hapkas.

Em tasol liklik wari bilong mi. Husat i laik bekim orait plis mas

Joe Orua, Boroko.

Stretim ol taia

Dia Edita,
Mipela i save givim gutpela sevis long ol kastama i kam wantaim ol flet taia. Nem bilong dispela liklik bisnis bilong mipela em Rocky Tyre Service. Na mipela i stap long Kompri, Kainantu.

Mipela i save sasim K2 tasol long ol lait

trak na ka ripe. Long taun ol i kisim K4 o K3 long mekim wankain sevis. Tasol bisnis bilong mipela i save kisim K2 tasol long olkain taia.

Em tasol toksave bilong mi.

Peter Kapi, Roccky TyreService, Kainantu.

No ken daunim Finsafen

Dia Edita,
Mi wampela manki Finsafen na nau mi i stap long Mosbi. Mi bin lukim pas bilong brata Kaiim Mato em bin kamap long Wantok Niuspepa long 11 may, 1989 na mi no amamas long lukim dispela pas long bagarapim nem bilong Morobe provins.

Brata, mi ken tokim yu olsem sapos han bilong yu i wok bai nem bilong yu bai kamap long radio stesin bilong yu. Nogat em nogat. Tasol i no gat planti tok long tokim yu.

Dispela kain man olsem yu, ating laik bagarapim nem bilong Finsafen. Em inap

husat bai bekim maus bilong yu.

Tasol nem bilong liklik Finsafen i stap i go yumi i dai na yupela pikinini bilong yu na mi tupela bai komplem olsem yet, mi tokim yu.

Na mi tokim yu olsem Finsafen i stap na Morobe provins i stap. Yu laikim Finsafen i kamap wampela provins a? Tasol gavman i save pasim. Yu husat wantok o brata laik egensim mi, orait raitim pas tasol i go long Wantok Niuspepa.

Sali Wasiong Tomonzing, P.O. Box 2816, Boroko, N.C.D.

Baim lek bilong ol man

Dia Edita,
Long taim bilong ileksen ol nesanel na provinsal politisen i save yusim mipela ol man long kempen long ol. Sapos ol i lus o winim ileksen, ol i no save baim lek bilong ol kempenas bilong ol long liklik mani. Dispela kain asin i no stret.

Bikpela mauswara bilong yupela ol lain politisen. Sapos yu husat politisen i laik sanap long ileksen yu pilim inap oke yu ken sanap long ileksen.

Nau taim bilong

provinsal ileksen i kun klostu. Na sapos yupela i laik mipela ol yangpela man i kempen long yupela oke yu mas baim mipela pastaim. Olsem na yupela ol mauswara politisen i mas sekim poket gut pastaim oke yupela sanap long ileksen.

Husat brata o susa i laik sapotim o egen-sim mi, orait rait tasol i kam long Wantok na bai mi lukim.

Buka Kaku Nankina Raikos Distrik Madang

Kirapim taun bilong yu

Dia Edita,
Mi wampela manki Chuave Kongo tasol nau mi stap long Mosbi. Mi wok wantaim Pangia Konstraksen. Olgeta de mi raun long oigeta kona long Mosbi siti mi harim ol manmeri i save tok olsem, Simbu i gat planti manmeri.

Olsem wanem na taun bilong ol i luk olsem sab distrik o patrol pos. Na long taim mi harim mi save sem pipia.

Sampela taim ol askim mi, yu bilong we? Mi save tok mi bilong Goroka. Mi sem na haitim nem bilong taun bilong mi yet Kundiawa. Mi askim Rigonal memba bilong Simbu Peter Kuman, Chuave Open memba, Gumine MP, Sinasina/Yongulmul MP, Kundiawa/Gembogl MP, Kerowagi MP na Karimui MP.

Yupela oigeta 7-pela memba i mas bung wantaim na joinim wampela pati tasol na tok strong long Palamen na kirapim Kundiawa taun i kamap bikpela olsem Goroka o Kainantu. Na bihain laik bilong yupela. Yupela laik bruk o joinim wanem parti em wari bilong yupela tasol. Olgeta hap long kantri bilong yumi, Simbu save kilim man nabaut na wokim bikhet pasin na mipela Simbu i gat nem stret.

Olsem wanem na yupela ol

memba biong mipela long Palamen i save pret tumas. Ating papa bilong yumi long Hailans, Okuk i dai pinis olsem na yupela pret na wokim dispela pasin na taun bilong yumi Kundiawa i luk olsem Patrol Pos a?

Papa God i wokim wampela bun tasol? Maski waitman, blakman, yeloman na retman. Taitim bun na tuhat wantaim, pait wantaim na tok strong na developim Kundiawa taun na pinism sem bilong mipela ol Simbu pipel.

Sapos yupela i no tok strong long Palamen husat bai kirapim dispela taun Kundiawa? Mipela ol Simbu pipel yet bai kisim bus diwai, kunai gras na bai em i kamap taun a? Mipela i no gat pawa. Pawa bilong mipela em mipela givim yupela long kisim developmen i go long eria bilong yumi na mekim kantri i go yet.

Sapos yu husat man o meri bilong Simbu i stap nabaut long Papua Niugini laik sapotim mi long dispela, orait rait tasol i go long Wantok Niuspepa. Mi bai amamas long lukim.

Mr Dusty Jobbah, Pangia Constructions, P.O. Box 1214, Boroko, N.C.D.

Stapim ol trabel nau


Dia Edita,
Mi laik autim wari bilong mi long gavman long Rabbie Namaliu. Long las yia yet dispela trabel bilong Not Solomons i kamap na nau klostu 7-pela mun i pinis na ol trabel i wok long gohet yet.

Mi laik save watpo na gavman i larim dispela trabel long

Not Solomons i wok long go yet. Ol 3-pela soldia bilong PNG i dai pinis na ol arapela aspies pipel tu i dai na planti moa i kisim bagarap.

Mobeta Praim Minista na gavman bilong em i pinism olgeta dispela trabel nau.

Enege Tokoritani, P.O.Box 1423 Arawa.





Ol pikinini kakaruk bilong mipela ol save flai i go long eniwe long PNG!

★ Baim helti pikinini kakaruk i save kamap long wanpela bikpela Poultry kampani long PNG.


★ Ol oda i moa long 3,500 kakaruk bai mipela setaim balus na dilivaim long yu. Yu ken bungim taim ol pren o wantok long kisim namba.

★ Edvais long we long ronim na lukautim na mekim haus bilong kakaruk bai mipela ken givim yu.

PRAIS K47.50 TASOL

Long wanpela bokis i gat 50 beloi kakaruk na antap i tupela pikinini kakaruk bai yu kisim **fri** long wanwan bokis.

NAMBA LONG BAIM	LAE TABLEBIRDS	FARMSET HAGEN, & GOROKA	FARMSET RABAU & POPONDETTA
50	K 47.50	K 47.50	K 55.00
100	K 95.00	K 95.00	K110.00
150	K120.00	K142.50	K165.00
200	K100.00	K190.00	K220.00



FARMSET	PHONE
HAGEN/BANZ —	56 2244
GOROKA —	72 1375
RABAU —	92 2175
POPONDETTA —	95 2466

NIUGINI Tablebirds

Ol "Good Guys" i kamap long Kimbe

Husat man i nupela long Papua Niugini bai i ting olsem Kimbe em i wanpela foa kona taun yet. Tasol dispela tingting i no tru. Kimbe i wok long senis na kamap bikpela nau. Nupela K8 milien bris bai op long mun Ogas, welpam i gro gut tru na i gat bikpela plantasin tru long Kapiura. Na i gat bikpela bisnis bilong timba long Stetin Be.

Olsem na Boroko Motors, ol lain i save salim ol Nissan ka na trak, i makim Kimbe taun long skruim wok bilong ol.

Primia bilong Wes Nu Briten, Robert Lawrence i opim nupela opis bilong Boroko Motors long Fraide 12 Me. Na samting olsem 200 manmeri i bin kamap long bung bilong makim dispela bikpela de.

Nupela brens bilong Boroko Motors bai i gat ol kain kain Nissan ka na trak, spea pats, ol UD trak, ol Ford trakta, masin bilong egrikalsa, Goodyear taia na Evinrude autbot moto. Olgeta samting ol arapela brens bilong Boroko Motors i salim bai

stap tu long dispela brens long Kimbe.

Boroko Motors i bilip bai dispela brens i skruim bisnis bilong kampani. Na bai helpim tu ol kastama long dispela hap bilong kantri na wanem ol nupela kastama.

Pat Hudson em i manesa bilong Kimbe brens. Na em i tok, "Bikpela samting tru long kampani i stap hia em bikos nau

Em i tok, "Nau mipela i stap hia bai isi long ol kasta-

ma i kisim ol spea pat, o baim nupela ka o kisim wanem arapela helpim ol i nidim."

Kimbe brens i bin kirapim wok bilong en long mun Februeri. Na nau i gat moa wokman. I gat 18 Papua Niugini wokman na tupela ovasis wokman. Jeneral manesa, Pat Hudson i

ka ya Patrol na Cabstar i pulim planti kastama. Na ol i salim tu planti ol Goodyear taia. Mosa Transport i baim planti ol taia

tru. Em i tok, "I luk olsem ol pipel i wok long wet tasol long mipela i kam opim brens hia long Kimbe."

Sam Menon i bin winim 6-pela yia pinis wantaim kampani. Na em i go pas long Pats dipatmen


bilang ol kastama.

David Rony sels manesa, John Kewa taia manesa, Tim Vatnabar long akaunts na Pose Winget, woksop

manesa em ol nara-pela tim memba bilong Boroko Motors Kimbe.

Sampela ol kastama bilong Boroko Motors em Stettin

Bay Lumber kampani, New Britain Palm Oil, Hargy Palm Oil, West New Britain Cargo, Harcross Trading na Shell.



• Brens bilong Boroko Motors long Kimbe.


mipela i ken helpim ol pipel wantu tasol. Bipo ol kastama bilong mipela long Wes Nu Briten i mas go long Lae o Rabaul brens long stretim wari bilong ol. Na dispela i no gutpela tumas."

tok kampani i tingting long skruim wok na putim wanpela woksop na taia seksen long bihaintaim.


Na long ol toktok bilong hamas ka ol i salim, Pat Hudson i tok olsem ol tupela

bilang kampani. Komputa yet i lukautim olgeta wok bilong skelim ol kain kain pats bilong ol ka. Na Sam i tok i no long-taim bai ol i gat ol pats em inap long pinisim olgeta wari


Tim bilong Kimbe




• Pat Hudson-Brens Manesa




• Sam Menon-Pats Manesa



• Pose Winget-Woksop Manesa



• Tim Vatnabar-Brens Akaunten



• John Kewa-Goodyear Manesa



• David Rony-Sels Manesa

Stettin Bay kampani kisim wanpela Nissan Jinker



■ Simon Hirata, Manejin Darekta bilong Stettin Bay Lumber, kisim ki bilong CWA53 long Ken Imai, em i representativ bilong Nissan Diesel long Sidni.

Long taim bilong opim nupela brens bilong Boroko Motors long Kimbe, Stettin Bay Lumber kampani i kisim tu wanpela NISSAN UD CWA53 Log Jinker.

NISSAN i wokim dispela spesel 6X4 CWA53 jinker long mekim wok bilong pulim timba long haiwe.

Wok bilong Stettin Bay Lumber kampani i kamap bikpela nau na ol i mas pulim ol timba longwe tru long ol kolta rot. Na bikos long ol dispela senis, na tingting bilong sevim fuel, NISSAN i wokim dispela spesel 6X4 masin long mekim dispela wok.

NISSAN na BOROKO MOTORS i bin wok wantaim long kamapim dispela spesel 6X4 jinker. Ian Fraser em i divisenenel manesa bilong ol UD trak bilong Boroko Motors. Na em i tok, "Dispela CWA53 i ken helpim long sevim bikpela mani tru na samting olsem 20 persen long ol arapela yia."

Stettin Bay Lumber i gat pinis 80 NISSAN UD trak.

Wok bilong kamapim ol trak bilong mekim olkain wok em i astingting bilong NISSAN. Na BOROKO MOTORS bai salim wanpela UD fuel tenka bilong Harcross Trading klostu. Dispela tenka tu em ol i wokim long mekim spesel wok.

Bot i helpim ol pipel

OL PIPEL bilong Lolobau Ailan long Wes Nu Briten provins i amamas tru long Nensenel Minista bilong Minerels na Enegi Patterson Lowa i givim wanpela bot long ol.

Mista Lowa i baim dispela bot long Vunapope Katolik Sios Bot Haus long K10,000 olgeta.

Dispela mani i kam aninit long Maina Trensport Sektor Developmen fan bilong Minista. Na dispela bot i ken karim 200


inap long 300 bek kopra and 30 pasindia.

Em i namba wan taim tru ol pipel bilong Is Nakanai i kisim dispela kain helpim i kam long Gavman.

Taim Mista Lowa i givim dispela bot em i

askim strong tru ol pipel long yusim na lukautim gut tru dispela bot.

Ol pipel bilong Lolobau Ailan i bin kamapim pinis wanpela komiti long bosim wok bilong dispela bot.



MOSKO-Rasia: Wanpela bikpela balus bilong Rasia ol i kolim MRJA i karim liklik balus ol i kolim Buran. Dispela balus ol bai karim i go long wanpela So bilong ol balus bai kamap long Paris, Frans.

Meri pret long go long klinik

DIA LAIPLAIN,

Meri bilong mi i bin karim pikinini tupela mun i go pinis. Na mi save pret long slip wantaim em olsem na mi save go raun wantaim ol arapela meri na mi save kam bek long haus long biknait tru.


Mitupela i save kros oltaim na nau mi gat bikpela wari tru. Mi save wok long san na meri bilong mi i save pret long em yet i go long wanpela famili plening klinik.

CONCERNED FATHER

DIA PREN,

Mipela tok amamas long nupela bebi bilong yu!

Em i gutpela yu tingting long famili plening bihain tasol long meri i karim bebi. Sapos yutupela meri i wet inap tupela yia bihain na em i bel gen bai meri inap long lukautim gut namba wan bebi bilong yutupela. Na bodi bilong meri tu bai inap long strong gen long kamapim



narapela bebi.

Traim na toktok isi long meri bilong yu long dispela samting. Sapos yutupela i no inap long go wantaim long famili plening klinik, orait mobeta yu toksave long bos bilong yu na yu kisim wanpela de malolo na yutupela i go. Sapos yu no inap lusim wok orait traime tokim meri bilong yu long go wantaim wanpela arapela meri long klinik.

I no gat rong long yu 'slip wantaim meri bilong yu gen bikos bebi i winim tupela mun pinis. Tasol yu mas save gut long wanem samting meri bilong yu i laikim. Ol yangela mama i save painim taim long lukautim namba wan

bebi bilong ol. Meri bai i tait na ating em i laikim yu long luksave long dispela na helpim em gut.

Yu ting yu mekim gutpela pasin long raun wantaim ol arapela meri? Meri bilong yu i mas wari nogut tru long taim yu lusim em wanpela i stap long haus na yu go pinisim laik. Ating bikos long dispela as tu na yutupela i save kros oltaim. Traim na luksave long ol wari bilong meri tu. Mobeta yu tu i mas helpim em long lukautim bebi bilong yutupela.

Yu wanpela yangpela man tasol yu mas tingim tu olsem yu wanpela papa nau. Na wok bilong papa em i bikpela samting. Yu no inap raun long laik bilong yu olsem yu save mekim bipo long yu marit. Yu gat meri na pikinini long tingim nau. Olsem na dispela pasin bilong mekim samting long laik bilong yu yet i mas senis nau.

MI LAIPLAIN



Johnson's Stap Draai Napis ULTRA

Absorbent

* **NUPELA** Spesol Weisben na lek karapam bilong stopim pispis bilong pikinini i no ken kam aut.

* **NUPELA BIKPELA KARAMAP** ped kipim skin bilong bebi i stap drai.

**KIPIM BEBI
BILONG YU DRAI,
NA HAMAMAS
LONGPELA TAIM!**

Johnson & Johnson

Spesol strongpela blue moista weisban. Stopim pispis bilong ol pikinini na bai skin na klos bilong ol bai i stap drai.



Refastenable tapes

Bikpela-karamap inap long pasim pispis bilong bebi long pas long skin na bebi i stap drai longpela taim.

Gentle leg gathers



Tenkyu tru... Mama!



Long givim mi PRIMA Franks na Saveloys!



- (lephan) Man i singsing wantaim longpela bilas long het bilong em.
- (antap) Ol i pasim hap rop long gras, orait bihain bai ol rop ya i holim longpela bilas bilong het.
- (raithan) Tupela yangpela i pentim skin long retpela pen.

SAPOS man i raun long bus bilong Saidor, ating em bai lukim ret singsing. Narapela nem bilong dispela singsing em taitim gras singsing. Dispela nem i makim

pasim bilong ol man long taitim kangal long het bilong ol.

Long mun Epril na Me, ol wokman bilong Musik Dipatmen

bilang Institut bilong PNG Stadis (Mosbi) i bin raun long painimaut ol pasim bilong singsing tumbuna long Namba Tu Rai Kos. Wangepela ret

Ret singsing bilong Saidor

Don Niles
Musik Dipatmen,
Institut bilong PNG
Stadis

singsing i bin kamap long ples Birua klostu long Umboldi. Long tok ples bilong ol, ret singsing em *tiking*. Wangepela kain *tiking* em *karitiking* o "pilai singsing." Dispela singsing i no makim wangepela bikpela samting long ples na tu em i no singsing we planti manmeri tru i kam. Nogat, em singsing bilong amamasim ol manmeri bilong Birua yet. Sampela taim, ol manmeri bai kirapim dispela singsing long taim meri i karim pikinini. Ol i save singsing long amamasim mama na pikinini.

Singsing yet i kirap long biknait stet.

Long wan klok samting long nait, ol man i sanap namel long ples kilia. Ol i sanap, singsing, na paitim kundu tasol. Ol meri i sindaun long arere long haus bilong ol o sanap long sait na singsing tu. Ol dispela lain i no bilas.

Namel long nait, ol manmeri i malolo liklik. Bihain gen, long hap pas tri samting, ol man i kirapim singsing gen. Nau sampela meri i bilas pinis na ol i samsam: Ol man i sanap namel na ol meri i singsing na raunim ol.

Klostu long faiv klok samting, tripela man i bilas long kangal na ol i kam singsing tu. Bilong pasim kangal, wangepela man i taitim ol hap skin tulip long gras bilong em pas-taim. Bihain nau em

bai sanapim wangepela mambu namel long gras bilong em. Skin tulip ya em i raunim long mambu na em i mas taitim strong tru. Em i taitim pinis na em bai putim wangepela karamap antap long dispela mambu na gras. Dispela karamap, ol i wokim long waitpela skin diwai. Em i luk olsem wangepela hat o helmet.


Long wokim kangal bilong *karitiking*, man bai bihainim laik bilong em. Kangal ya bai makim maunten, diwai, han bilong diwai i krungut, o bokis bilong planim man long matmat. Ol man bai wokim smat tru na putim planti wanwan gras pisin long kangal. Taim singsing i pinis, ol man i no inap pasim dispela kangal gen. Ol

i mas brukim na wokim narapela gen.

Ol man i putim kangal bai penim skin bilong ol long marita-em olsem na dispela em ret singsing. Na tu ol man bai pasim let long waitpela skin diwai.

Bipo ol man i putim kangal i kamap long ples singsing, ples ya em i tudak - wanwan lam tasol i stap. Tasol taim ol man i gat kangal i kamap pinis, ol manmeri o manki i mas sanap nating, ol bai laitim bombom.

Ol man nau i singsing raun tu. Bihain liklik, tripela man moa i putim kangal na kam singsing. Ol dispela man i bilas, ol i paitim kundu na samsam tu. Sampela kangal i sut i go antap long fiv mita samting. Klostu long tulait nau, singsing i pinis.



• Yangpela ya tu i mekim save stap.




BILONG KILINIM SKIN

Gamophen* Medicated Soap i gat spesol kain marasin i stap long en we bai i stopim ol gem na helpim skin i noken sua nating.

Olgeta taim yu yusim Gamophen* Soap bai i lukautim gut sikin bilong yu na i stap luk klin oltaim.

Trade Mark ©
J&J 1988

HRD 8833



Johnson & Johnson

BAIBEL KOMIK



Ol wok bilong ol APOSEL

Em nau ol soldia i kisim Pol i go ausait long siti na katim het bilong em.



Pol i dai olsem. Em i man husat i go pas long wok bilong kirapim sios bilong Kraisi long planti kantri tru. Na ol pas em i salim long ol arapela Kristen i stap insait long Nupela Testamen.

Tasol wok bilong autim Gutnius bilong Kraisi i no dai. Sios i strong yet na i go kamap long ol arapela kantri long wol tu.



OL SENIS I KAMAP

Long Hibru i go inap long Revelesen

Ol disaipel bilong Jisas i bin stap laip yet tasol planti bilong ol i lapun na ol i no inap long raun tu mas. Olsem na ol i save salim pas i go long ol arapela Kristen long autim tok bilong Jisas.

Ol las nainpela buk long Nupela Testamen long Hibrus i go inap long Revelesen em ol toktok ol dispela disaipel i raitim long givim skul long na helpim long ol namba wan lain Kristen.



Buk bilong Hibrus

Pas i go long ol Hibru i bin kamap long taim ol Juda husat na Rom i wok long subim ol Juda husat i kamap Kristen long no ken harim to bilong Kraisi.

Ol i askim, sapos bilip tok bilong Jisas o ol toktok bilong Abraham, Moses na David em i tok tru. "God i salim pikinini bilong em Jisas Kraisi. Abraham, Moses na David em ol man i gat bikpela bilip. Tasol Jisas Kraisi i givim yumi laip bilong oltaim. Olsem i holim strong bilip bilong em. Dispela pas i givim nius tu olsem Timoti i lusim kalabus na i fri gen.

Buk bilong Jems

Jems i lida bilong sios long Jerusalem. Em i salim pas long ol Kristen i stap long ol arapela kantri.




"Man i soim bilip bilong em long ol samting em i wokim. Helpim ol arapela husat i nidim helpim. Mekim gut long ol arapela."

Brata bilong Jisas i kisim nem Jems the Just. na em i skruim wok bilong autim Gutnius.

Buk bilong 1 Pita

Pita i lapun tru. Em i lukim olsem ol Rom i birua long ol Kristen. na em i tokim Sailas long raitim wanpela pas bilong em.



Luteran sios kamap long Is Arowe

DUA bilong Evenjikal Luteran sios, (ELC-PNG) i op nau long kisim Gutnius bilong Kraisi i go long hap bilong Is Arowe long Wes Nu Briten provins.

Long Sande 7 Me, namba wan lain manmeri bilong Is Arowe i bin kisim baptais pinis na kamap ol Kristen memba bilong Luteran Sios bilong Papua Niugini.

Luteran Bisop bilong Niugini Ailan distrik, Gerry Sunga wantaim Bisop Ray Rasowe i bin baptaisim 28 manmeri. Namel long ol em ol 5-pela pikinini. Na long dispela de tu 12-pela marit i bin kisim blesing bilong marit na olgeta Kristen i kisim komunio wantaim ol dispela nupela lain Kristen.

Bisop Rasowe i tok ol pipel i mas stap na wokim haus-bilong ol pasto na ol arapela

wokman long kamap stap wantaim ol na mekim wok bilong sios.


Bisop Ray Rasowe i tok olsem Luteran sios i kamap long stap wantaim ol pipel nau. Na em i tok sapos ol

pipel i wok bung wantaim bai ol i strongim wok bilong sios.

I gat bikpela hevi i stap long ol kain sevis olsem edukesen, helt, wara saplai na ol arapela wok long hap bilong Mingai long Is

Arowe.

Ol pipel yet i makim pinis wanpela hap graun bilong kirapim ol kain wok developmen na ol sevis ol pipel i ting sios inap kamapim long helpim sindaun bilong ol.



• Namba wan lain Luteran bilong Is Arowe

TU MINIT TINGTING

FRANK MIHALIC I RAITIM

STAP BEL ISI

WANPELA mani gat liklik woksap bilong em insait long wanpela liklik taun. Man ya i save wokim kaving long ol bikpela ston. Em i wok wantaim sisel na hama na i paitim ston tasol i go.

Wanpela de em i stap long wok na em i harim nek bilong planti manmeri i hipure long king i kam lukim taun bilong ol. Wokman i lukim ol bilas bilong king na em i tok, "Man! Mi laik stap king."

Orait, God i harim prea bilong em, na em i kamap king. Em i raun long kantri na i lukim ol man na tri na gaden i bagarap long strongpela lait bilong san. Olsem na em i tok, "Mi laik stap san." Orait, em i kamap san.

Orait, nau em i lait nogut tru, na ol man i hait aninit long ol tri na ambrela. Tasol wanpela de em i lukim wanpela liklik klaut i karamapim graun, na em i haitim san. Em i ting nau: "Olabo! Dispela samting i winim san. Orait, mi laik stap klaut." Na God i larim em i kamap klaut.

Orait, nau dispela klaut i wokabaut antap na i tromoim ren i go daun na i tekewe graun na i krungutim ol samting na i wasim ol nogut tru. Wanpela samting tasol i sanap strong: em wanpela bikpela ston tasol. Em i no kea liklik long wara na ren. Wokman i lukim na em i laik kamap ston. Orait, God i larim em i kamap ston na ren na san na olgeta eminal samting i no inap long em.

Orait, nau wanpela man i kamap na i holim wanpela liklik bilum long solda bilong em. Em i tekewe wanpela sisel na hama long bilum na i wok long paitim bikpela ston, na planti liklik hap bilong em i tekewe. Em nau! Hia em i wanpela man i winim ston yet. Olsem na em i laik kamap man i kavin ston. God i tok orait,

Olsem na man ya i bin kam bek stret long namba wan wok bilong em. Nau em i sindaun na i wok wantaim bel isi.

I gat wanpela naispela beten bilong bel isi, em wanpela holiman i bin raitim. Em i go olsem: "God Papa, helpim mi long

karim gut olgeta samting mi no inap long senisim. Na givim gutpela tingting long mi, bai mi inap save: wanem samting mi inap long senisim na wanem samting mi no inap long senisim."

Man o meri em inap long bihainim dispela lo, em bai sindaun bel isi tru. Klostu olgeta samting i stap arasait long yumi, yumi no inap long senisim. Yumi no inap senisim wok na ples na taim na ol arapela manmeri. Maski, larim ol i stap.

Tasol wanpela ples we yumi inap long senisim planti samting: em inap long yumi yet. Ating narapela man i no inap senisim ol tingting na pasin bilong yumi. Tasol yumi yet na yumi tasol inap.

Sampela man i save ting olsem: yumi mas stap strong na wankain oltaim, na yumi no mas senis. O i tok, senis em i soim yu no gat strong. Tasol dispela i no tru. Yu lukim bodi bilong yu: strongpela hap tru bilong em, em ol tit bilong yumi. Tasol, sore, namba wan samting i save brukdaun na bagarap long bodi, em ol tit tasol. Maski ol i strong rtru, ol i save sting. Bilong wanem na ol tit i lus? Bikos ol i no save muv; ol i stap olgeta taim long wanpela ples tasol.

Na hap bilong bodi bilong yumi i save stap inap yu indai, em i tang tasol. Tang em i no save sanap strong. Nogat. Em i go i kam insait long maus, em i senisim nabaut.... olsem na em i stap. Em nau!

Senis liklik liklik, bilong pas gut wantaim grup o famili o poroman em i no kostim planti na i givim bel isi long yumi. Man o meri i harim wanpela laik o oda, na em i stirim laip na tingting na laik liklik bilong bihainim, em bai stap longpela taim; em i gutpela memba bilong tim. Em i ting long gutpela sindaun bilong grup na dispela i helpim em tu. Man o meri ya i no save sakim laik bilong grup; em i traim pas gut wantaim ol. Olgeta pipel i laikim dispela kain man o meri. Na bel bilong em i save stap isi.... long wanem, em i bihainim tru prea yumi wokim antap pinis.

WANTOK TELEVISION

THURSDAY	FRIDAY	SATURDAY	SUNDAY	MONDAY	TUESDAY	WEDNESDAY
EM-TV						
THURSDAY 1ST JUNE, 1989 9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 GENTLE BEN (G) 6.00 THE MUPPETS BABIES (G) 6.30 NATIONAL EMTV NEWS (G) 7.00 WEBSTER (G) 7.30 SIX MILLION DOLLAR MAN (G) 8.30 MASTER (PGR) 9.30 MIAMI VICE (AO) 10.30 SYDNEY RUGBY LEAGUE (G) 11.30 STATION CLOSE	FRIDAY 2ND JUNE, 1989 9.00 SESAME STREET (G) 3.57 STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 THE JETSONS (G) 6.00 THE MUPPET BABIES (G) 6.30 NATIONAL EMTV NEWS (G) 7.00 THE EM REPORT (G) 7.30 FAME (G) 8.30 FRIDAY NIGHT MOVIE (PGR) *Machine gun McCan* Starring: Peter Falk and Brit Ekland. 10.30 VFL - HIGHLIGHTS 11.45 STATION CLOSE	SATURDAY 3RD JUNE, 1989 9.00 KOMYUNITI TELEVISION STATION OPEN 9.02 "TINGIM HELT" (G) 10.00 KOMYUNITI TELEVISION STATION CLOSE 2.57 EMTV STATION OPEN (G) 3.00 JAZZERCISE (G) 3.30 FRAGGLE ROCK (G) 4.00 ANIMALS, ANIMALS (G) 4.30 REAL GHOSTBUSTERS (G) 5.00 BATMAN (G) 5.30 DANIEL BOONE (G) 6.30 EMTV NATIONAL NEWS (G) 7.00 INCREDIBLE HULK (G) 8.00 LUCKY LOTTERY DRAW (G) 8.05 ROCKFORD FILES (PGR) 9.05 SATURDAY NIGHT MOVIE (PGR) *Land raiders* Starring: Robert Taylor, Ava Gardner and Mel Ferrer 11.00 STATION CLOSE	SUNDAY 4TH JUNE, 1989 12.00 KOMYUNITI TELEVISION STATION OPEN 12.02 "TINGIM HELT" (G) 1.00 KOMYUNITI TELEVISION STATION CLOSE 2.57 EMTV STATION OPEN (G) 3.00 ADVENTURES OF TEDDY RUXPIN (G) 3.30 BONANZA (G) 4.30 SPORTS WORLD (G) 5.30 WONDERFUL WORLD OF DISNEY (G) 6.25 THE COLGATE TOOTHBRUSH FAMILY (G) 6.30 EMTV NATIONAL NEWS (G) 7.00 BILL COSBY SHOW (G) 7.30 SUNDAY NITE MOVIE: (PGR) *Land raiders* Starring: Telly Savalas and George Maharis. 9.30 DOCUMENTARY (G) 10.30 BISNIS (G) 11.00 STATION CLOSE	MONDAY 5TH JUNE, 1989 9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 CURIOSITY SHOW (G) 6.00 MUPPET BABIES (G) 6.30 NATIONAL EMTV NEWS (G) 7.00 FAMILY TIES (G) 7.30 FLYING DOCTORS (PGR) 8.30 MINI SERIES (AO) 10.28 STATION CLOSE 10.29 KOMYUNITI TELEVISION STATION OPEN 10.30 TINGIM HELT (G) 11.30 STATION CLOSE	TUESDAY 6TH JUNE, 1989 9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 THE FLINTSTONES (G) 6.00 MUPPET BABIES (G) 6.30 NATIONAL EMTV NEWS (G) 7.00 MONK AND MINDY (G) 7.30 BUCK ROGERS (PGR) 8.30 T.J. HOOKER (PGR) 9.30 LIFE STYLE (G) 10.00 EMTV SPORTS SCENE (G) 10.30 BUSINESS WEEK (G) 11.30 STATION CLOSE	WEDNESDAY 7TH JUNE, 1989 9.00 SESAME STREET (G) 3.57 STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 PINK PANTHER (G) 6.00 MUPPET BABIES (G) 6.30 NATIONAL EMTV NEWS (G) 7.00 MR MERLIN (G) 7.30 HARCASTLE AND McCORMIK (PGR) 8.30 WEDNESDAY NIGHN MOVIE (AO) 10.30 McCLOUD (PGR) 11.50 STATION CLOSE G - GENERAL EXHIBITION PGR - PARENTAL GUIDANCE REQUIRED AO - ADULTS ONLY

ABC						
THURSDAY 1ST JUNE, 1989	FRIDAY 2ND JUNE, 1989	SATURDAY 3RD JUNE, 1989	SUNDAY 4TH JUNE, 1989	MONDAY 5TH JUNE, 1989	TUESDAY 6TH JUNE, 1989	WEDNESDAY 7TH JUNE, 1989
4.00 PLAY SCHOOL (G) 4.30 SWAP SHOP (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 IN REAL LIFE (PGR) 8.28 NEWS UP-DATE (G) 8.30 THE BILL (PGR) 9.22 NEWS UPDATE (G) 9.25 BACK CHAT (G) 9.30 MAN ON THE RIM (G) 10.30 ABC NEWS (G) 11.20 TALKING PICTURES (PGR) 11.20 SHADOWLANDS (PGR) 12.50 CLOSE	4.00 PLAY SCHOOL (G) 4.30 SWAP SHOP (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 COUNTRY WIDE (G) 8.28 NEWS UP-DATE (G) 8.30 HILL STREET BLUES (G) 9.25 NEWS UP-DATE (G) 9.30 HOWARDS' WAY (G) 10.20 ABC NEWS (G) 10.40 BLACKOUT (G) 11.10 N.B.A. BASKETBALL (G) 12.20 RAGE	1.00 SNOOKER (G) 2.00 RUGBY UNION HIGHLIGHTS (G) 3.00 SATURDAY SUPER LEAGUE (G) 3.00 SATURDAY SUPER (G) 4.45 SPORTS NEWS (G) 5.00 SOCCER (G) 6.00 ABC NEWS (G) 6.30 HORIZONS (G) 7.20 COME AND GET IT WITH PETER RUSSELL-CLARKE (G) 7.30 UPSTAIRS, DOWNSTAIRS (G) 8.25 ABC NEWS (G) 8.30 RUMPOLE OF THE BAILEY (G) 9.30 A VERY PECULIAR PRACTICE (PGR) 10.25 JOHN HINDE PRESENTS (AO) 12.15 RAGE	12.00 COMPASS (G) 1.00 SUNDAY AFTERNOON WITH PETER ROSS AND MICHAEL SCHMITH (G) 5.00 SUNDAY RUGBY (G) 6.00 ABC NEWS (G) 6.30 ALL CREATURES GREAT AND SMALL (G) 7.25 BACK CHAT (G) 7.30 LIVING PLANET (G) 8.25 ABC NEWS (G) 8.30 OUR COMMON FUTURE (AO) 11.55 CLOSE	4.00 PLAY SCHOOL (G) 4.30 SWAP SHOP (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 THE INVESTIGATORS (G) 8.28 NEWS UP-DATE (G) 8.30 G.P. LIMBO (G) 9.28 NEWS UP-DATE (G) 9.30 THE BIG GIG (G) 10.30 ABC NEWS (G) 10.50 REVIEW (G) 11.30 THE HEART OF THE DRAGON (G) 12.20 CLOSE	4.00 PLAY SCHOOL (G) 4.30 SWAP SHOP: CHOPSTICKS (G) 4.50 EMMA AND GRANDPA (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 NEWS UP-DATE (G) 8.28 NEWS UP-DATE (G) 8.30 G.P. LIMBO (G) 9.28 NEWS UP-DATE (G) 9.30 THE BIG GIG (G) 10.30 ABC NEWS (G) 10.50 REVIEW (G) 11.30 THE HEART OF THE DRAGON (G) 12.20 CLOSE	4.00 PLAY SCHOOL (G) 4.30 SWAP SHOP: CHOPSTICKS (G) 4.50 EMMA AND GRANDPA (G) 5.02 INSPECTOR GADGET (G) 5.30 WHITE PEAK FARM (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 ABC SPECIAL (PGR) 9.28 NEWS UP-DATE (G) 10.00 COUCHMAN (G) 10.40 ABC NEWS (G) 11.00 PLAYED IN AUSTRALIA (G) 11.55 CAROL BURNETT AND FRIENDS (G) 12.20 CLOSE

NQ-TV						
THURSDAY 1ST JUNE, 1989	FRIDAY 2ND JUNE, 1989	SATURDAY 3RD JUNE, 1989	SUNDAY 4TH JUNE, 1989	MONDAY 5TH JUNE, 1989	TUESDAY 6TH JUNE, 1989	WEDNESDAY 7TH JUNE, 1989
4.00 WOMBAT (G) 4.30 CURIOSITY SHOW (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FLYING DOCTORS (PGR) 8.28 WEATHER (G) 9.30 JACK AND FAT MAN (PGR) 9.30 DALLAS (PGR) 10.30 NEWSWORLD (G) 11.30 ALLO ALLO (AO) 12.00 FASSO STREET (G) 12.30 EPILOGUE (G) 12.35 STATION CLOSE	4.00 WOMBAT (G) 4.30 KIDS ARMY (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 NEWS WEEK (G) 8.00 FAMILY TIES (G) 8.28 NQTV WEATHER UP-DATE (G) 8.30 FRIDAY NIGHT MOVIE: (PGR) *Wild Wild West Revisited* Starring: Robert Conrad, Ross Martin and Paul Williams. 10.30 NEWSWORLD (G) 11.30 LATE MOVIE (AO) *Creepshow II* Starring: Dorothy Lamour and George Kennedy. 1.00 EPILOGUE (G) 1.05 STATION CLOSE	12.00 FABULOUS CENTURY (G) 12.30 DIFFERENT STROKES (G) 1.00 WIDE WORLD OF SPORTS (G) 5.00 BURKE'S BACKYARD (G) 6.00 NATIONAL NINE NEWS (G) 6.30 HEY HEY IT'S SATURDAY (G) 8.28 NQTV WEATHER UP-DATE (G) 8.30 GOLD LOTTO DRAW (G) 8.35 SATURDAY NIGHT MOVIE: (AO) *I married a Centrefold* Starring: Dianne Ladd. 10.25 LATE MOVIE: (AO) *Death before dishonor* Starring: Brian Keith. 10.40 SPORTS SPECIAL (G) 1.00 EPILOGUE (G) 1.05 STATION CLOSE	11.00 WIDE WORLD OF SPORTS (G) 1.00 THE WALTONS (G) 2.00 SPORTS SPECIAL (G) 5.00 FIVE MILE CREEK (G) 5.50 POINT OF VIEW (G) 5.57 QUEENSLAND 2000 (G) 6.00 NATIONAL NINE NEWS (G) 6.30 THE WORLD OF DISNEY (G) 7.30 SIXTY MINUTES (G) 8.28 NQTV WEATHER UPDATE (G) 8.30 SUNDAY NIGHT MOVIE (AO) *Falling in love* Starring: Robert de Niro and Meryl Streep. 10.30 SPECIAL - James Closee (AO) 12.00 SPORTS SPECIAL (G) 1.00 EPILOGUE (G) 1.05 STATION CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 WEATHER UPDATE (G) 8.30 MOVIE (AO) *The gift of life* Starring: Joleen Sutton. 10.30 NEWS WORLD (G) 11.30 CRICKET (G) 4.15 EPILOGUE (G) 4.20 STATION CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 CURRENT AFFAIR (G) 7.00 SALE OF THE CENTURY (G) 7.30 COSBY SHOW (G) 8.00 DEAR JOHN (PGR) 8.28 WEATHER UPDATE (G) 8.30 BEYOND 2000 (G) 9.30 BRONX ZOO (PGR) 10.30 NEWS WORLD (G) 11.30 CHINA BEACH HOME (PGR) 1.30 EPILOGUE (G) 1.35 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.28 NQTV WEATHER UPDATE (G) 8.30 GOLD LOTTO DRAW (G) 8.35 MOVIE (AO) *Memories never die* Starring: Lindsay Wagner. 10.30 NEWSWORLD (G) 11.30 MOTOR RACING (AO) 1.30 EPILOGUE (G) 1.35 CLOSE

(G) - GENERAL EXHIBITION (PGR) - PARENTAL GUIDANCE REQUIRED (AO) - ADULTS ONLY

TAIM YU PILAI TUHAT NA NEK I DRAI O TAIM BILONG AMAMAS....

DIXI COLA

Swing
Wantaim
Dixi Cola

I Kam Long

HOHOLA

softdrinks

Susa i tanim na kamap kapul

BIPO BIPO tru long taim bilong tum-buna i gat wanpela boi na susa bilong em i save stap long Bomai Kiari long hap bilong Saut Simbu.

Wanpela taim bikpela san tru i kamap long hap bilong Kiari na oi geta gras i drai nabaut na oi kaikai long gaden tu i dai. Ol bikpela wara na liklik wara tu i drai na das i kamap nabaut.

Boi ya i lukim olsem na em i tokim susa bilong em bai tupela i lusim dispela pies na go stap long narapela hap. Susa bilong em i liklik meri. Na em i askim, "Bai yumigo we tru ya?"

Brata i bekm na tok, "Yu kam bai mi soim yu".

Em i kisim susa bilong em na tupela i go antap long maun-ten long Nubuni. Na brata i soim em maunten we sno i karamapim. Liklik meri i lukim olsem na em i tokim brata bilong em tupela i mas go long dispela hap na painim wara long as bilong ston. Nem bilong boi ya em Moiwa na liklik meri em Gorai.

Orait tupela i kilim wanpela bikpela pik na kukim. Orait ol i katim mit bilong pik

na pulmapim wan-taim sampela taro na kaukau na sol. Na tupela i lusim ples na wokabaut i go long dispela maunten.

Tupela i go kamap long wanpela maun-ten nem bilong en Gun Sta na lukim i go lukim Kinus Sta i stap klostu na sno i karamapim het bilong en. Tupela i amamas tru long lukim kol ples.

Long taim tupela i laik lusim Gul Glas na kam daun long maunten. Liklik Gorai i karim liklik dok bilong brata bilong em Moiwa. Lek bilong em i krungut na em i pilim pen na i no inap wokabaut gut. Moiwa i larim sista bilong em i stap na em yet i kirap givim siksti i go kamap long as bilong ston long maunten Kinus Sta na em i holim nabaut ol gras na traim long dring wara.

Long taim liklik Gorai wantaim dok i go kamap long as bilong maunten, em nau kol wara i stat long kam aut long hui bilong maunten. Wara i kol tru na tupela brata susa i pinis laik long dringim. Ol i dring wara pinis na Moiwa i tokim susa bilong em bai em i go antap long het bilong maunten a lukluk



raun. Em i laik lukim sapos sampela man i wokim paia bai ol i inap long go kisim i kam na hatim kol kaikai bilong tupela na ol i kaikai.

Long taim Moiwa i go antap long maun-

ten em i lukim wan-pela bikpela diwai. Na em i go stret long en. Em i go antap long diwai na lukluk nabaut na em i lukim smok i wok long kam antap long sait bilong maunten.

Em i lukluk gut na em i lukim wanpela raunpela naus. Em i lukim olsem na em i go daun na go kamap long dispela haus. Dua i op i stap na em i go insait. Na em i lukim tupela smat-

pela yangpela meri i sindaun i stap na ol i wok long kolim kaukau. Tupela tu i kirap nogat long lukim Moiwa.

Ol i askim em na em i tok olsem em bilong Bomai na em bilong em Moiwa. Tupela meit ya i tokim em nem bilong tupela em Kai na Mokomane.

Moiwa i kisim paia long tupela na long taim em i laik go bek long susa bilong em. Drapela ren i stat long pundaun na ol i tokim em long wet inap long rei i pinis. Em i harim tok bilong tupela na em i go insait long haus na sindaut gut i stap.

Long taim em i sindaun long haus ya em i lukim paia bilong haus i pulap tru long ol gras kapul na gras pinis. Na naispela amel tru olsem sanda i stap insait long haus. Em i nau Moiwa i tingim susa bilong em Gorai.

Em i lukluk i go antap long hap we diwai bung long en na lako wanpela kapul i sindaun i stap. Na Gorai lukluk kam daun long brata bilong em na i tok, "Yu laik mi sta hia olsem na mi stap. Yu kam keim dok bilong yu na bai mi go bek."

Gorai i kok olsem na em i putim han i go

long bel na em i kamaunim dok bilong Moiwa na tromi i go long em. Orait em i wokabaut i go holim han bilong diwai na em i lukim na kalapim i go holim narapela gen. Em i mekim olsem tasol i go inap em i hait oige-ta.

Brata bilong em Moiwa i lukim olsem na em i sori na drai wantaim. Orait em i apim amiok na katim namba wan pinga bilong em na kraai go long kamap long tupela meri ya long taim ol i askim em watpo em i kraai em tokim ol olsem susa bilong em i taim na kamap kapul pinis.

Ol i tupela meri i harim olsem na ol i krosim em na tok, "Em rong bilong yu yet. Wapto na pu no laik k sim em na i kam."

Olsem na na krosi suse i lukim meri i go i gat mi bilong ol.

Em i stat long taim bilong Moiwa na susa bilong em Gorai long Nubuni Kinus Sta maunten.

John Kamana
Ok Fedi Mining Ltd
P.O. Box 25 Kiunga.

EM-TV MUVI

Ol EM TV muvi bilong neks wik

(PGR) Mande Nait Mini Seris 8.30pm - "Winds of War". Part 1

Ol i wokim dispela muvi long stori bilong man ya Herman Wouk. I gat ol top ekta i stap insait long dispela muvi. Ol i bin spendim K25 milien long wokim dispela muvi insait long 6-pela yia.

Muvi i stori long yia 1939 we Hitler i bung wantaim ol lain soldia bilong em long kirapim woa na dispela woa i kamap Namba tu Wol Woa. Sampela man na meri i stap long dispela bung na muvi ya i stori long wanem samting i kamap long laip bilong o long taim bilong woa. Ol lain ekta long muvi em Robert Mitchum, Ali McGraw, Jan-Michael Vincent, John Houseman, na Topol.

(AO) Trinde Nait Muvi 8.30pm - "The Fortune".

Em i wanpela fani muvi i stori long wanpela ris meri tru husat i ranawe wantaim wanpela man. Tasol bihain em i painimaut olsem ol i laik kilim em na kisim mani bilong em. Adrien Joyce i ekt long dispela muvi

SAMPELA GUTPELA VIDEO MUVI

LOVESICK (1983)

★★

Dudley Moore
Elizabeth McGovern



. Dudley Moore na Elizabeth McGovern long muvi Lovesick.

"Lovesick" em i wanpela fani muvi bilong wanpela dokta husat i gat laik long wanpela sikman. Na i stori long wanem samting i kamap. Dispela dokta em i wanpela meri husat i save helpim ol pipel i gat sik long het bilong ol. Ekta Dudley Moore em i dispela sikman na dokta bilong em i Elizabeth McGovern. Ol arapela ekta i kamap tu long dispela muvi em Alec Guinness na John Huston. (PGR)

LOVE WITH THE PROPER STRANGER (1963)

★★★

Steve McQueen
Natalie Wood

Wanpela gutpela muvi bilong lukim em dispela ol i kolim "Lovers and Other Strangers." Em i stori long tuepia yangpela manmeri husat i laik marit. Orait famili bilong ol i mekim kain kain samting long amamasim dispela bikela de bilong tupela. Em i wanpela fani muvi na bai yu dai long lap long taim yu lukim. (PGR)



. Ann Meara na Harry Guardino long dispela muvi Lovers and Other Strangers.

LOVE STORY (1970)

★★★

Ali MacGraw
Ryan O'Neal



. Ali MacGraw na Ryan O'Neal long muvi Love Story.

Sapos yu laikim wanpela muvi we yu bai sindaun na kraai gut orait kisim dispela ol i kolim "Love Story." Em i stori bilong tupela manmeri husat i bung long taim ol i stadi long yunivesiti. Bihain ol i marit na man ya i wanpela loya na meri i bilong em i go wok long sevim mani olsem bai man bilong em i ken pinisim skul. Tasol bihain ol dokta i painimaut olsem meri ya i gat sik kensa. Na meri i dai. Em i wanpela gutpela amuvi long lukim. (PGR)

WANTOK

OKSAVE BOKIS 252500

**DO YOU REALLY
MEAN
BUSINESS**

?

*Then don't keep it to yourself
Tell Papua New Guinea
through*

**PNG TRADE
MONTHLY**

John Clarke

NATIONAL CAPITAL DISTRICT INTERIM COMMISSION



Public Notice

TRADING LICENCE

MOTU

Hadibaia hereva ia lao daika tau eiava hahine sitoa ia haheaua dekenai. Inai Commission ia ura hadibai oi emu sitoa pepa lagani tata lalonai oi gaukaralai gauna be inai hua June ena dina 30, 1989, do ia ore, unai dainai mani emu kara emu pepa gunana bona K30.00 danu abia mai matamata abia - National Capital District Interim Commission ena office Waigani dekenai. Bema oi emu pepa gunana oi hamatamataia lasi inai hua June ena dina 30 or dina ruahui taurahani eiava dina 28 lalonai inai Commission ese do ia abimu lao kota dekenai bona emu pepa do ia abiadae lasi.

PIDGIN

Toksave i go long ol bisnis haus, olsem bisnis laisens o Trading Laisens bai pinis long namba 30 dei bilong mun Jun, 1989. Sapos yupela laik yet long wokim bisnis, kam wantaim K30.00 na senisim olpela laisens long Siti Kaunsel Het Opis. Husat i no senisim Laisens insait long 28 pela de bilong Jun, 1989, inap long lusim laisens bilong em o sanap long Kot.

**P. GEORGE
A/CITY MANAGER**



INSKRAIB STOK BILONG GAVMAN BILONG PAPUA NIUGINI

Bank of Papua New Guinea i makim Gavman bilong Papua Niugini na i putim dispela toksave long ol pipel husat i laik baim stok long Government Inscribed Stock Tap Issue No. 16.

3 year stock @ 11.625% maturing 1 June 1992

4 year stock @ 11.875% maturing 1 June 1993

5 year stock @ 12.000% maturing 1 June 1994

Ol pipel husat i stap long Papua Niugini i ken baim stok bilong K100 o moa. Ol pipel bilong narapela kantri na ol kampani tu i ken baim ol dispela stok.

Las de: 30 Jun, 1989.

Yu ken kism ol eplikesen fom na prospektas long ol beng o yu ken salim dispela fom i kam long dispela adres.



The Manager,
Credit Division, Bank of Papua New Guinea,
P.O. Box 121,
PORT MORESBY, N.C.D.

NAME: _____

ADDRESS: _____

PHONE: _____

Pablik Notis

Sapos yu laik edvataisim
Toksave, Painim Wok,
Pablik Notis, Ringim:
Miria Ravao
Telepon: 25-2500
Ext. 217.



Yu laik autim tingting bilong yu long TAKIS KASTOMS DUTI o BISNIS INSENTIV? Hia em sans bilong yu long autim ol tingting bilong yu!

I. Gavman i kirapim pinis wanpela komiti (Policy Working Group) long glasim Teksesen na Katoms (PNGTC). Dispela komiti bai glasim ol dispela samting na toksave long gavman sapos i gat sampela senis i mas kamap long lo i bosim wok bilong Takis na Kastoms.

Hia em ol wok dispela komiti i mas mekim:-

(1) Glasim ol senis i kamap long lo bilong Takis na Kastoms long 1989 baset na lukim sapos:-

(a) ol dispela lo i mekim stret wok o nogat;

(b) I gat sampela hevi i kamap bikos long senis i kamap long baset; na

(c) sapos ol dispela hevi i mas kamapim senis long lo o ol wok long 1990 baset (o bipo long 1990 baset);

(2) Glasim Lo bilong Takis nau long Papua Niugini na painim;

(a) ol arapela rot bilong skruim wok bilong takis we inap long bringim moa mani i go long gavman long kamapim ol developmen; na

(b) ol hap we takis bilong gavman i stapim moa bisnis long kamap na givim wok long ol pipel, na bai glasim ol ripot bilong ol kampani we i toktok long ol hevi em impot duti i kamapim na olsem wanem dispela takis i stapim bisnis bilong salim ol samting bilong PNG i go ovasis; na

(c) ol senis long lo bilong Takis em inap long stretim o rausim ol dispela hevi, sapos i gat hevi; na

(d) ol senis inap kamapim gutpela wok bilong Takis, o ol senis inap bringim moa invesmen na givim wok long ol pipel o developim Papua Niugini; na

(e) sapos ol senis i mas kamap, orait dispela rot bilong kisim Takis bai i mas stap yet o nogat.

Sapos you laik autim tingting bilong yu, orait salim pas i kam long dispela adres:-

Mr Nagora Bogan, Chairman, PNGTC P.O. Box 777, Port Moresby.

Toksave - Ol pas i mas kamap bipo long 30 Jun, 1989.

II. Gavman i kirapim tu wanpela komiti (Policy Working Group) long glasim wok bilong Bisnis Insentivs. Wok bilong dispela komiti em long toksave long gavman long ol senis i kamap long lo i bosim dispela wok nau.

Hia em ol wok dispela komiti i mas mekim:-

(i) glasim invesmen program em gavman i save givim long ol bisnis (ol ovasis kampani na ol kampani bilong PNG tu) long Papua Niugini na lukim olsem wanem takis bilong gavman, ol ovasis takis, eksais takis, sels takis, intres ret na foren eksens i helpim o daunim profit bilong ol kampani. Na glasim ol insentiv bilong ol liklik bisnis, rural LDA na ol nupela bisnis.

(ii) Glasim na skelim tingting long bungim wantaim olgeta.

- rot bilong givim tok orait long ol ovasis kampani;

- ol lo bilong givim wok pemit;

- edministresen bilong ol insentiv bilong ol PNG na ovasis investa;

(iii) Glasim gen wok bilong Industrial Systems Bot na wok bilong Industrial Advaisori Kaunsil. As bilong dispela em long kamapim strongpela program na bringim ol kampani i kam insait tu long painim ol gutpela rot bilong bisnis insentiv program.

Sapos yu gat sampela toktok long mekim long Bisnis Insentiv, orait salim i kam long dispela adres:-

Mr Joseph Hartmans,
Policy Working Group of Business Incentives,
C/- Department of Trade and Industry,
P.O. Wards Strip,
WAIGANI.

Toksave - Ol pas i mas kamap bipo long 30 Jun, 1989.

Pablik Notis

Sapos yu laik edvataisim...
Toksave, Painim Wok na
Pablik Notis. Ringim:
MIRIA RAVAO long
Telepon: 25 2500 Ext. 217.



UNITECH DEVELOPMENT & CONSULTANCY PTY LTD

Forestri, Envaironmen na Ekoloji Yunit

UNITECH Development & Consultancy Pty Ltd,
kampani bilong PNG Yunivesiti ov Teknoloji
long Lae I gat ol saveman na teknisen husat i
gat ol masin tu bilong mekim ol kain kain wok
bilong forestri na envaironmen.

Ol profesenel sevis mipela i ken givim em hia:

Forestry resources surveys:	Timber Harvesting Plans:
Timber Development proposals:	Forestry Inventories:
Environmental Management Plans:	Environmental Monitoring:
Environmental Impact Studies:	Social Impact Studies:
Remote Sensing Photo Interpretation:	Low Cost Aerial Photography:
Satellite imagery Processing:	Mapping & Surveying

I gat ol komputa laboratori bilong mekim ol spesel
wok, ol spesel skel, spesel masin bilong poto, ples
bilong wokim ol mep na I gat ol laboratori bilong
baloioji, kemistri, wud saiens na dendroloji.

UNITECH DEVELOPMENT & CONSULTANCY PTY LTD
Private Mail Bag, LAE

Eksekutyutiv Manesa- Michael Kanin Tel. 434202
Projek Manesa - Nina Vatasan Tel. 434622

FAX 424067

Pablik Notis

Sapos yu laik edvataisim
Toksave, Painim Wok,
Pablik Notis, Ringim:
Miria Ravao
Telepon: 25-2500
Ext. 217.

Toksave i go long ol Kopi groa long Hailans

Mi makim maus bilong ol Hailans Primia na ni laik toksave long olgeta Kopi Groa bilong Hailans olsem ol Primia bilong Hailans i bin toktok wantaim Nesenel Minist bilong Egrikalsa Laip Stok. Na mipela i pasim tok long:-

1. Stapim olgeta Kopi Levi i save go long Kopi Developmen Ejensi.
2. Olgeta mani mani i go long wok bilong Kopi Ekstensen na kopi ras, na
3. Nesenel Gavman na ol provinsal gavman seaholda i mas pinisim wok bilong ejensi nau.

Mipela i luksave long askim bilong ol ovasis konsalten na ol pipel husat i laik helpim yet wok bilong Kopi Developmen Ejensi. Mipela i amamas long lukim dispela tasol ol lain ya i mas raitim ol toktok bilong ol na givim i go long Nesenel Gavman long kisim mani. Mipela i laik lukim wok bilong Kopi Developmen Ejensi i gohet yet wantaim mani i kam long ol lain olsem AIDAB Progreem o World Bank.

Mi laik tok klia olsem ol Hailans Primia i no laik lukim ol kopi groa i wok long givim mani bilong sapotim Kopi Developmen Ejensi. Mipela i sapotim wok bilong Kopi Developmen Ejensi tasol i gutpela sapos ol dispela lain mipela i kolim pinis i givim mani bilong sapotim wok bilong kopi. Bikos kopi bisnis i helpim planti tausen pipel long Papus Niugini.

Long pinisim olgeta toktok, mi laik toksave long ol kopi groa olsem ol Hailans Primia i save long K3 milion Australia Aid, na dispela konsalten tim bilong UN/World Bank na mipela i bin toktok tu wantaim Kopi Industri Asosiesen.

**Primia Ned Laina,
Chairman
Highlands Premiers' Council**

Difens i las yet long 1st divisen

DIFENS tim long 1st divisen bilong Mosbi Soka i mas pilai strong long dispela wiken (10 Jun) sapos ol i laik surik i go antap liklik long poin lata bikos nau ol i stap las tru.

Gem bilong ol long las wiken i soim olsem ol bai i stap yet long las ples bikos Air Niugini i winim ol long tripela gol.

Air Niugini i putim namba wan gol samting olsem 10 minit bipo long hap taim. Difens inap long sevim dispela gol tasol i save gat wanpela plaia bilong ol olgeta taim i save kranki long tromoi bal. Dispela asua i mekim na referi i givim fri bal long Air Niugini. Air Niugini i bin

pilai wanpela naispela gem tru. Ol i salim bal i go i kam na olgeta taim i save stap klostu long ol plaia bilong Difens.

Air Niugini i strong long olgeta hap bilong gem. Olgeta taim ol i beklain i kisim bal, ol i save lukluk long ol pilai long midfil pas-taim na salim bal i go. Midfil i tu i mekim

SAM VULUM i raitim

wankain pasin na long taim ol frantlain i kisim bal ol i ranstret i go sut long gol. Ol i no save pilai pilai long bal long ai bilong gol pos. Na tu ol i save traime gol long

olgeta kona.

Difens i traime long putim olgeta trik ol i gat long stapim Air Niugini bihain long hap taim, tasol sori tumas. Wanpela pilai bilong Air Niugini i givim wanpela strongpela bal tru long gol bilong Difens samting olsem 5 minit bihain long hap taim. Tasol bal i no go insait long

wanem laki tru gol kipa bilong Difens i redi na em i paitim bal i go aut. Orait wanpela pilai bilong Air Niugini i kisim bal i go bek long ai bilong gol pos na em i putim wanpela gol gem.

Difens i gat sans yet long sutim wanpela gol tasol gol kipa bilong ol i kisim taim

na em i westim samting olsem 10 minit bilong gem.

Gem i stat gen na bihain long fultaim Air Niugini i sutim namba tri gol na narapela gen bihain long en tasol referi i tok nogat long wanem wanpela pilai bilong Air Niugini i opsait. Dispela em i wanpela klinpela gem tru. I no gat pait o kros namel long tupela tim. Na Air Niugini i winim gem 3-0.



• I luk olsem Joe Turia bilong Yunivesiti i bosim dispela pilai graun. I nogat birua.



• Golkipa bilong Morobe Yunaitet tim bilong ol meri i pasim bal. Poto EDDIE SAUNDERS.



• Golkipa bilong U19 tim bilong Westpac i flai taim ol pilai bilong Guria i bomim umben.



• Anda 13 tim bilong Phillip Aravure komyuniti skul.



• Ol pilai bilong Morobe Yunaitet na Rapatona i pait long kisim dispela bal long pilai bilong ol las wiken.

Ol skul manki tu i taitim bun

NAMBA 5 gem bilong Junia Skul soka bilong Mosbi bai kamap long dispela wiken, Sarere 3 Jun.

Ol tim bilong Anda 14 divisen i go daun olgeta long Anda 11 divisen bai taitim bun long ol pilai graun long Sarere moning.

Ol gem bilong ol i save kamap long Murray Bareks, Korobosea Praimeri skul, Ela Bis Praimeri skul, Hubert Murray stadium na long Admin Koles pilai graun.

Ol Anda 13 divisen bai pilai long Murray Bareks. I gat 9-pela tim olgeta long dis-

MOSBI

pela divisen. Ol manki Korobosea bai traime strong bilong Hohola Demonstresen skul long namba wan gem bilong moning. Na Philip Aravure skul bai salensim ol stail lain bilong St Peter Erima. Long 10 klok bai namba tri gem i kamap namel long Ela United na St Theresa. Ol manki bilong Ted Diro bai malolo.

I gat 8-pela tim i pilai long Anda 12 divisen na ol gem bilong ol bai kamap long Hubert Murray Stadium. Ol gem

bilong Anda 11 divisen bai kamap long Adcol na Korobosea. I gat 10-pela tim olgeta i pilai long dispela divisen. Na long Anda 14 divisen i gat 9-pela tim i save pilai.

Ol komyuniti skul husat i gat ol tim i pilai long ol dispela divisen em Murray, Korobosea, St Josephs, Gordons, Ela Bis, Saced Heart Hohola, Hohola Demo, St Peter, St Theresa, St Paul, Ted Diro, Philip Aravure, Bavaroko na Boreboa

komyuniti skul.

Na ol haiskul husat i gat ol tim em De La Salle haiskul, Gerehu haiskul, Pom haiskul, na Don Bosco.

Planti bilong ol dispela manki i wok long pilai gut tru olsem ol bikpela man. Na i luk olsem long bihaintaim bai planti bilong ol i kamap ol gutpela soka pilai.

Het tisa bilong St Theresa skul, Greg Ape i tok stail bilong soka namel long ol skul manki i kamap gut. Na em i tok ol papamama i sapatim ol pikinini bilong ol na mekim ol manki i amamas na taitim bun long pilai gut.

Buresong bai kisim taim

BURESONG klap long Kimbe Soka Asosiesen bai i no inap long pinisim olgeta gem bilong ol long dispela sisen.

Sekreteri bilong asosiesen Alponse Kurapi i tok ol pilai i bin lusim fil bihain long ol i no amamas long wanpela gol em referi i tok em opsait.

Mista Kurapi i tok em i lo bilong asosiesen long rausim wanem klab long kompetisen sapos em i wokim dispela kain pasin.

Em i tok ol eksekutiv bai toktok long dispela hevi long miting bilong ol. Tasol i luk

olsem Buresong Klap bai i no inap long pilai moa long dispela yia.

"Mipela i bin rausim Lairu Klap taim ol i wokim dispela wankain pasin long las yia na nau tim i no moa pilai," Mista Kurapi i tok.

Mista Kurapi i tokaut tu long sampela nupela tenis i kamap long Kimbe soka resis. Daniel Mota wanpela straika long Lae Guria tim nau i joinim Guria long Kimbe. Daniel i wanpela intanesenal pilai.

Mista Kurapi i tok ol sapota bilong Kimbe soka nau bai i lukim sampela liklik tenis i

kamap long Guria Klap.

Long ol narapela tenis Thomas Demdem i save pilai long Rabaul nau i bin joinim Tarangau tim long Kimbe. Mista Kurapi i tok nau bai em i apim Tarnagau i go antap.

Sekreteri i tok Tarangau tim i wok long tenis long olgeta gem bilong ol. Em i tok nau Thomas i joinim tim bai i luk olsem Tarangau bai i flai i go antap liklik.

Mista Kurapi i tokaut tu olsem kosa bilong Sunam Monai nau i kam long lukautim tim long Kimbe soka resis.

EM I ISI TRU LONG SEVIM MANI LONG TAIM YU

GO FOR GOAL!

Em i isi long sevim mani long taim yu statim GOAL Savings Account long Bank of South Pacific.

SEVIM MANI BILONG

- Skul fi
- Rejistresen bilong ka
- Baim balus i go bek long provins bilong yu
- Ol nupela samting bilong haus

Mani bilong yu bai isi long sevim na bai kamap gut long Goal Savings Account.

1. Em i isi tru. Tingim wanem kain gol yu laik winim long taim yu opim "Goal" akaun bilong yu.
2. Mipela bai givim wanpela Goal pasbuk wantaim ol K10 o K20 fom.
3. Long taim yu laik putim mani bilong yu long beng, karim mani wantaim fom bilong yu i go na givim. Yu no inap wari long wet longpela taim.
4. NA BAI YU GAT GUTPELA INTRES!
Bikos long Goal Account, yu no inap long rausim mani inap yu winim mak bilong yu. Na mipela ken givim yu 6.5% intreslong olgeta seving i winim mak bilong K100.



Bank of South Pacific Limited

A MEMBER OF NATIONAL AUSTRALIA BANK GROUP

Goal Savings Account



Goal


Kina 10 Deposit Book

PULIMAPIM DISPELA FOM NA KARIM I GO LONG WANEM BRENS BILONG BANK OF SOUTH PACIFIC STAP KLOSTU

ARAWA, BOROKO, KUNDIAWA, MT HAGEN, PORT MORESBY, RABAU, WAIGANI - SUB BRANCHES - SIX MILE (PORT MORESBY) BUKA, KIETA PANGUNA, WABAG.

NAME.....
ADDRESS.....
I WISH TO OPEN A GOAL SAVINGS ACCOUNT MY GOAL.....
I EXPECT TO SAVE K.....PER MONTH

GO FOR GOAL!



Bank of South Pacific Limited

A MEMBER OF

National Australia Bank Group

National Australia Bank Limited

The better business decision.

Madang i pulap long U19 skwat

MADANG soka ripot

TINGTING bilong Madang skwat long winim dispela U19 Soka Tonamen long Rabaul i bin popa-ia.

Em i tok ol pilaia bilong dispela tupela senta i bikpela moa long ol pilaja bilong Madang.

Nogat, ol i hevi na i ken bamim ol yanpela plaia bilong Madang, em i tok.

"Papua Niugini Futbal Asosiesen (PNGFA) i bin tok klia long ol rot we ol selekta i ken bihainim long makim ol pilaia.

Em i tok Madang wantaim Lae i makim stret U19 plaia na dispela i soim aut stret taim tupela tim wantaim i bin resis long namba tu ples.

Trening skwat bilong Mosbi i redi



• Ol pilaia bilong Rapatona na Morobe Yunaitet i resis long kisim bal

MOSBI nau i autim sampela pilaia na makim 25 long trening skwat bilong em. Ol 25 pilaia bai tren inap long tupela wik na bihain ol i makim 18 pilaia tasol long go kik long Saten Rijon sempionsip.

Mark Kalong, Polin Kanamon, Paskalis Atalou, Joe Saleu, Simon Emmanuel, Noel Vari, Elly Mali, Desmond Waku, Alois Wabiniak, Paimuru Kairi, James Tore, Parkop Manuai, Steven Mune, Wesley Waiwai, Vicksy Mugago na Toto Norrie.

KIKBEK wantaim RAINSAU. Includes a small portrait of a man and the text 'KIKBEK wantaim RAINSAU'.

Junia Soka

I no bin gat planti stori tumas long Nesenal Junia Soka Sempionsip i bin kamap pinis long Rabaul. Nogat. Na tu, i no bin gat planti tim i go kik. Wanem samting tru i rong?

klap olsem praismani long pinis long namba wan raun an namba tu raun. Long dispela we em i mekim ol tim i kim strong long winim dispela prais. Ol manmeri i lukim kik bilong primia divisen namel long Morobe na Rapatona las wik i ken tok.

i kam long pes 28

son i wok long soim strong tru olsem Milen Be bai hat. Ol i wok long soim tru pawa bilong ol bikos dispela em taim bilong senis.

GFC bai skelim strong bilong Yuni

Olsem na Guria i gat bikpela sans tru long winim ol boi Manus. Ol biknem pilaia bilong Guria olsem Adam Wangu na Adam Lema bai go pas long ol yangpela boi Guria. Wangu i go spin long Japan na

kam bek. Las wik em i namba wan gem bilong em long Guria. Linus Kensap, Vosap Eremas, Eli Mali na Simon Emmanuel bai go pas long ol tim bilong Guria.

Kimbe Soka Asosiesen Sarere

Table with columns: Time, Divisen, Graun, Fixture. Lists soccer matches between South Coast, Guria, Tarangau, and VTS.

Sande 4th Jun, 1989.

Table with columns: Time, Divisen, Graun, Fixture. Lists soccer matches between Karanas, Sunam, Buresong, and Rangers.

Long Sarere, Rapatona bai skelim ol boi Difens. Stail "pele" bilong Rapatona Paschalis Atalou i bin kisim liklik skul long kosa bilong Kwinslan Bruce Stowell. Dispela save bilong em long kosa nau i ken helpim em tru long daunim ol Difens.

WANTOK SOKA NIUS

GFC bai skelim strong bilong Yuni long wiken

YUNIVESITI bai bungim GFC long bikpela gem bilong Mosbi sokalong 4 klok long Sande apinun.

Tupela tim wantaim i save kamapim gutpela pilai. Yangpela Desmond Waku na Joe Saleu bai resis wantaim Kisakiu Posman na Noel Vari bilong Yunivesiti.

Tupela tim wantaim i gat bikpela spes bilong putim gol i stap long sait bilong tupela. Ol wan wan kosa yet i save long dispela eria na ol i ken skelim.

Yunivesiti i wok long kisim bek pawa bilong ol. Bipo Yuni wanpela strongpela tim tru. Tasol bihain Guria i

HENRY MORABANG i raitim

kamap na kisim ples.

Ol olupela pilaia bilong Yuni bipo nau i kam bek na strongim gen tim. Ol lain olsem Kisakiu Posman, Jasper Patterson, golkipa Moses Murray na bikman John Dawani. Ol yangpela husat i sapatim Yuni strong tru em Joe Turia, Mathew Kawei, Donai Bauai na tupela wan solwara (Vanuatu) Noel Vari na Russel Mari.

Strong bilong tim ya i stap long midfil. Yuni i nidim tru Philip Wori long dispela gem. Em bai go pas long tim long daunim GFC. Kain stail

mas givim moa taim bilong ol long trening. Dispela wik planti ol pilaia bilong Blu Kumul i no kamap gut long trening. Olsem na Sobou i gat bikpela sans yet long trening.

Milen Be bai traim strong bilong Westpac. Westpac em wanpela strongpela tim olsem na Milen Be i mas was aut long taim tupela tim i bung.

Koale Binding na Paulus Savo bai go pas long ol boi bilong Westpac. Tupela bai helpim John Tutumang na John Watson long nekim ol boi bilong Milen Be.

Lain bilong John Mogi na Jack Patter-



•Sem bilong ol dispela lain Morobe ya. Ol i top tim na lukim ol i laik sutim nus bilong referi las wiken. Tasol asua bilong husat? Ol i no amamas long tingting bilong referi. Ol i dro wantaim Rapatona, 1-1.



•Goli bilong Yunivesiti, Moses Murray i kalap olsem wanpela pisin i go antap na sutim bal long han. Sori ya, dispela kain stail i no nupela samting. Yunivesiti i autim Wanzesi, 5-0.



•Kas nogut ya bilong Wanzesi i kisim bal na abrusim fulbek bilong Yunivesiti, Joe Turia long las wiken. Tasol Wanzesi i no strong na ol studen i nilim ol stret. Poto: Francis Uliau.

Kokopo i nupela king bilong U19

FRANCIS ULIAU i raitim

PAPUA NIUGINI Futbal Asosiesen (PNGFA) i no ken larim ol pilaia bilong Mosbi i stap insait long PNG yut skwat na go pilai long Osenia kik resis.

Olpela soka presiden bilong Rabaul, Paul Sobendi i bin mekim dispela toktok long sapatim sampela toktok bilong Jenerel Seketeri bilong PNGFA, Andrew Waho.

Mista Sobendi i bin tok olsem Mosbi i no bin soim gutpela pasin bikos ol i no bin kamap long Anda 19 soka sempionsip resis em i bin kamap long Rabaul las wiken. Ol 4-pela senta tasol i bin salim ol tim bilong ol long kamap long dispela kik resis bilong ol yut. Dispela ol

4-pela senta em Madang, Lae, Kokopo na Rabaul.

Pot Mosbi Soka Asosiesen (PMSA) i bin tok long las wik olsem ol i no laik salim wanpela tim i go kik long Rabaul long wanem i nogat planti senta bai kamap. Olsem na bai i nogat gutpela resis namel long ol tim.

Ripot i kam long Rabaul i tok komiti bilong presiden bilong Rabaul Soka Asosiesen, Maran Nataleo i bin mekim bikpela wok tru long lukautim dispela resis. Na ol i no amamas long strongpela senta, Mosbi-i no bin soim pes.

Mista Sobendi i bin tok tu olsem taim Mosbi i salim wanpela tim long stap insait long ol nesenel resis, dispela i save pulim ol arapela senta long pait strong. Na i save kamapim strongpela resis

namel long ol tim.

Em i tok ol arapela senta bai lukim olsem Mosbi i gat tim na pilai strong long winim gem na autim Mosbi. Long planti kain ol spot, Mosbi i save kisim nem olsem top senta na strongpela salensa.

Ol 4-pela senta husat i bin salim tim long resis i bin pilai gut na pinisim olgeta gem bilong ol. Na Kokopo i kamap Anda 19 king bilong dispela yia. Ol i bagarapim sindaun bilong susa bilong ol Rabaul, 2-1 long kisim taitel bilong dispela yia.

Na long arapela gem, ol wantok long Madang i no strong na Lae i mekimsave long ol 2-1. Dispela gem i bin kamap gut tru tasol bihain long tupela tim i dro long fultaim, referi i givim ekstra taim

na Lae i abrusim Madang.

Primia bilong Is Nu Briten provins, Sinai Brown i bin opim dispela kik resis. Seketeri bilong Is Nu Briten, Nason Paulias tu i bin kamap long lukim dispela kik resis.

Mista Sobendi i tok tu olsem dispela kain pasin PMSA i mekim long ol arapela senta i no gutpela tumas. Na dispela i wansait tasol.

Em i tok sapos tupela senta olsem Madang na Lae inap long tromoi mani na kamap pilai, watpo na Mosbi i no inap. Olsem na PNGFA i mas skelim gut tru dispela long ol i makim ol pilaia long stap insait long junia skwat bilong go resis long Osenia Gems.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.